


KA
JINGTIP KYLLUM

(General Knowledge including Nature Study & Hygiene)

KA KITAB KABA LAI

(NA KA BYNTA KA CLASS V)



DA

U SPARBAH LYNGDOH, M.Sc., (Tech.)

All rights reserved

La pyumih da
U N. L. Kharkongor
Mission Compound, Shillong, Meghalaya.

REFERENCE
Not to be lent out

KA

JINGTIP KYLLUM

(General Knowledge including Nature Study & Hygiene)

KA KITAB KABA LAI

(NA KA BYNTAK CLASS V)



U SPARBAH LYNGDOH, M.Sc., (Tech.)

All rights reserved

La pynmih da
U N. L. Kharkongor
Mission Compound, Shillong, Meghalaya.

***La mynjur kum ka Text Book na ka bynta ka Class V ha ki
Secondary School ka United Khasi & Jaintia Hills da u
Addl. D.P.I., Assam. ha ka Gazette Notification
No. 34, dated the 14th March 1958 kat kum ka
shithi jong u kaba Memo. No. 1T/9/57/2176-81T
dated the 14th March 1958.***

5000 copies—1-9-1974.

SHI KYNTIEN

Ka jingroi jong kano kano ka jaitbynriew ka shong shikatdei eh ha ka jingtip jong ka ïa ki jingshisha ba shong tynrai jong kiei kiei kiba ngi ïohi, ïohsngew, mád, sma ne ïa kynduh man la ka sngi. Ha ki sla jong kane ka kitáb, ngi pyrshang ban batai ïa kine ki jingshisha da ki rukom pynshong nia kiba jem ba wat u khynnah ruh u lah ban sngewthuh. La donkam ban pynïaid ïa ki jingthoh tang hapoh ki púd ba la buh da ka Education Department jong ka Sorkar, kumta ba ki khynnah shongskul ki lah ban pule. Kumta ryngkat bad ka jingpynmih jong ngi ïa kane ka kitáb, ngi pynkyntang ruh ïa ka sha ka pateng ba dang seilung ka ri, kaba long ka jingkyrmen jong ka lashai. La katta ruh, ngim artatien ba wat kito kiba la ïohi shuwa ïa ka sngi u bnai ruh kin shem jingmyntoi lada kin pyllait por, khyndiat ban khyllied ïa ki sla kane ka kitáb. Ka jingmyntoi kan long kaba kham janai lada ngin ïa pynbynap lang ïa “KI JINGTIP KYLLUM” ba la kynshew ha kane ka kitáb bad kito ki jong ki láí tylli kiwei pat ki kitáb ba la kha synrop bad kane.

Kan da long ka jingmyntoi kaba khráw lada ki nonghikai kin ïalam ïa ki khynnah sha ki jingshisha jong kiei kiei kiba ïa dei bad ka Mariang ryngkat ryngkat bad kaba peitthuh; ka ban kyrsiew bad ktik ïa ka jingkwah tip shuh shuh ïa kiei kiei kiba don sáwdong kiba ki ïa kynduh barobor ha ka

jingim jong ki. Katba lah, lum ia ki jait symbái bad kiwei kiwei da ka jingiarap ki khynnah hi. Ha ki aiom aiom pynmlien ia ki ban peitthuh ia ki jingthung ki soh ne syntiew, ki mrád ne ki sim bad kiwei kiwei kumno ki long, ki man, bad ki kharoi. Iarap ia ki ban mlien ban pyndonkam ha la ka jingim ia kiei kiei ba ki la nang bad tip bad ban ym hun tang ha ka tip.

Namar ka jingkhim ka por ha kaba ngi la háb ban pynmih ia kine ki kitáb, ngi la háb shon kyrkieh ia ki. Ka lah eh ban long ba ki jingduna ne jingbakla kin páw hangne hangtai; ia kine, ngi kyrpad ba ki nongpule ba sbun kin máb. Ngi pdiang sngewbha ia kino kino ki jingkynthoh ne jingái jingmut lem jong phi ki nongpule, ki ban iarap ban pynbha shuh shuh ia kane ka jingpyrshang kaba rit.

Khatduh iawái, ngi ái khublei ia kito ki paralok baroh, kiba ngin ym lah ban niew kyrteng lut hangne, kiba la ia don kti lem — la khyndiat ne shibún — ha ka ban pynkylla ia kane ka jingphohsniew sha ka jingshisha.

DATED CALCUTTA,
12 tarik u Nohprah 1957.

U Nongthoh

KI JINGKDEW

KI LYNNONG	PAGE
1. Ki Planet – kumno ban ithuh ãa ki	1
2. Ka Lynti Khlúr	3
3. Ki Hara Khlúr	4
4. Ki Lúr-dih-duma	7
5. Ka Jingháb Khlúr	9
6. Ka Jingkhie Lung ki Symbái ...	10
A. U Kháw	<i>ibid</i>
B. U Symbái Klong	11
K. U Symbai Sohtyntoi	12
D. U Sohkhajur	<i>ibid</i>
7. Ka Kamram ki Thied Dieng ...	14
8. Ka Kamram ka Metbah Dieng ...	15
9. Ka Kamram ki sla Dieng ...	17
10. U Wieh	19
11. U Thliem	22
12. U Bseiñ	23
13. Ki Jakoid	26
14. Ki Sim ki Doh	29
15. U Diengblei	31
16. U Diengkseh	32
17. Ki Hati	33
18. U Rhinoceros	35
19. U Diengkhied	37
20. Ki Dáw Jingpang	38

KI LYNNONG	PAGE
21. Kumno ki Jingpang ki saphriang ...	40
22. Ka Jingpang T.B. ne Consumption...	42
23. Ka ĩapthem (<i>Cholera</i>)	44
24. Ka Suhot	47
25. Ka Typhoid	48
26. Ka ĩapkhlam (<i>Plague</i>)	49
27. Ki Jait Khieshoh ba bthei pyrthiew...	51
28. Ka Khieshoh rih (<i>Malaria</i>) ...	54
29. Ki Jingpang ha ka sniehdoh ...	57
30. Ki Jingpang ba kham shait ĩoh ki khynnah	58
31. Ki bniat, ki shkor, etc	60
32. Ka Jingkoit Jingkhiah bad kiei kiei kér kiba sáwdong	62
33. Kaba pynĭap Khñiang Jingpang (<i>Disinfection</i>)	64
34. Ka Jingtrei bad ka Jingshongthait (<i>Work and Rest</i>)	66
35. Ki ĩing ki Sem	69
36. Ka Hok Jied Member ...	71
37. Ki Seng Khañi Lang (<i>Co-operative Societies</i>)	73
38. Ka Kamram ki Nongshongshnong ...	76



1.—KI PLANET

KUMNO BAN ITHUH ĪA KI

Ha ka Kitáb kaba Ar, ngi la pule shaphang ka kynhún planet jong ngi bad ĩa ki jingngai jong uwei uwei u planet na ka Sngi. Ha kane ka lynnong ngin pyrshang ban kdew kumno ngi lah ban ithuh lada ngi peit ĩa ki ha sahit bneng ha ka miet ba shai bha ka bneng.

U planet uba jan eh ĩa ka Sngi u dei u Mercury. U long ruh uba rit tam na ki planet baroh. Ngim ju ĩohi koit ĩa u namar u ĩa búđ ryngkat ryngkat bad ka Sngi. Ngi lah ban ĩohi ĩa u tengkhat, hadien ba ka Sngi ka la sep ne shuwa ba kan mih.

U Venus u kham jngai ban ĩa u Mercury na ka Sngi. Une u planet u dei u met bneng uba phyrnai bad uba itynnat tam ha sahit bneng. Ngi lah ban ĩohi ĩa u kum u 'Lúr Step shaphang mihngi ha ka por kynjat shai bad kum u 'Lúr Miet shaphang sepngi hadien ba la sep ka Sngi. U Venus u heh lajan kat ka pyrthei hi.

U planet uba lái dei ka Pyrthei jong ngi. Hadien ka Pyrthei búđ sa u Mars. Une u Mars u kham rit khyndiat ĩa ka Pyrthei. ĩa une u planet ki ju khot ruh u Planet Meh Ding, namar ka jingshai jong u ka lam byrsáw kum ka ding. Lada ngin peit ĩa u da ki dorbin kiba khlaĩĩ ngin ĩohi ba don ki dak ha u, kiba lieh bad kiba ĩong. Ngim pat lah ban ong thikna kine ki dei kiei. Don kiba tharai ba don briew kiba shong ha une u planet, hynrei ĩa kane ruh ngim pat lah pynshisha.

U Jupiter u long u planet uba phyrnai bha lait noh na u Venus. U heh khatláí shah ía ka Pyrthei bad u don 8 tylli ki bnái kiba shád tawiar ía u. Don katto katne ki lyoh ha u, bad ki nongpeit khlur ba stad ki lah ban íohi ía ki lyngba ki dorbin.

U planet uba i phylla eh u dei u Saturn. Ym don uwei pat u met bneng kum ma u. Lyngba ki dorbin ngi lah ban íohi ía u ba u lam shaltuíñ khyndiat. Sáwdong jong u pat don láí ban ki ksah (*rings*) kiba kér tawiar ía u. Ka long kaba i phylla kumno kine ki ksah ki neh hi ha suin khlem jingkyrshan eiei na u planet. Kine ki lah ban long tang ki lak bad ki phew lak ki bnái rit kiba shád sáwdong ía u Saturn.

U Uranus u shád 10 kynta 45 minit ha la u jong u peiba (*diameter*) bad u shim por 84 snem ban tawiar ía ka Sngi. U Neptune u shad sáwdong ía lade kumba 8 kynta bad u íaid tawiar ía ka Sngi shisien ha ka 165 snem. U Pluto pat u shim por haduh 248 snem ban íaid tawiar ía ka Sngi namar ba u long uba jngai tam na ki planet baroh.

Ka long kaba kham shitom ban lap ía ka jaka ki planet — khamtam naduh u Mars shaneng — ha ka sahít bneng shisien wád da ka khmat. Ki íing-peit-khlur (*observatory*) ki ju pynmih ki kynja map jong ki khlúr ka sahít bneng man ki por. Da kaba peit ía kine ki map, ngin kham suk ban lap ía ki khlúr ne planet ba ngi kwah ban íohi.

Ki khlúr bad ki planet kim ju neh tang shi jaka na kawei ka miet sha kawei pat ne na uwei u bnái sha uwei pat. Ki ía íaid lang bad ka por.

2.—KA LYNTI KHLÚR

Ha ka miet ba shai bha ka bneng, ngi lah ban íohi ía ka kynja ba kumba pruid dak ha sahit bneng, kaba íar naduh ka phang shatei haduh ka phang shathie. Ka syriem ía u ribon lieh ba la pynpúr ía ka ball bneng na shapoh. Kane ka dei kata kaba ngi khot ka **Lynti Khlúr** ne **Lynti Bneng** (*Milky Way*).

Lada ngin peit ía ka lyngba ki dorbin kiba khlaiñ, ngin shem ba la pynlong ía ka da ki bún bah ki khlúr kiba i kumba ki ía syrtap uwei halor uwei pat. Ka long kaba sngewphylla ban tip ba kine ki khlúr ki long kum ka sngi jong ngi. Don napdeng jong ki kiba lah ban heh bún shah ía ka.

La kine ki khlúr ki i kumba ki shong lymbnep ha kajuh ka jaka, pynban ki riewstad khlúr ki íathuh ía ngi ba kam long kumta. Ka jingjngai uwei u khlúr na uwei pat ha kane ka **Lynti Khlúr** ka palat ía ka jingjngai ka pyrthei na u khlúr uba jan tam ía ka. Ka dáu balei ba ki i kumba ki ía shong hajuh ka long ba ki la jngai sha ba palat eh ka bor íohi jong ngi; nalar kata, baroh na ki ki shong ha kajuh ka phang jingíohi jong ngi na ka pyrthei. Balei ba ki shong kumta, ym pat don ba lah ban batai.

Na ri India jong ngi lah ban iohi kham bha ia kane ka lynti khlúr naduh u 'Náitung haduh u Lber ka snem kaba búd. Ka kham shai bha ynda lajan tlang.

Ngi dei ban sngewthuh ba khnang ba ngin iohi ia kino kino ki khlúr ha sahit bneng, ka miet ka dei ban long kaba khuid kdiar kdiar. Nalor kata, ka dei ban long ka por dum bnái. Kham ithuh bha ia ka jingitynnat ka sahit bneng mynmiet na nongkyndong, ha kaba ym don kiwei pat ki jingshai ki ban pynwit ia ki khmat jong ngi, ban ia na sor.


3.—KI HARA KHLÚR (Constellations)

Lada phin peit ia ki khlúr mynmiet, phin iohi ba la buh ia ki kum ha la i kyntoit kyntoit. Ki 'riewhyndái haba ki peit ia kine ki khlúr ki mutdur ia ki ba ki syriem ia ka dur ki mrád ne ki briew bad ki ái kyrteng artat ia ki kumta. Kiba nyngkong eh ban leh kumne dei ki Khaldi ba ngi pule ha ka Baibl. Kiba bún na kine ki long ki nongapblang kiba háb ban sahmiet sha lúm bad ki kynhún langbrot jong ki. Ki pynlut ia ka por mynmiet ha kaba ki peitthuh ia ki khlúr bad ái kyrteng ia ka hara.

Kine ki Khaldi, ki Egypt bad Ki Assyria ki shna ki puriskam kiba sngewtynnat shibún ban pynladei bad ki kyrteng ki hara khlur ba ki ái. Ki katto katne ki hara khlur ba ki ái kyrteng

pynbúd ãa ka dur ba ki syriem ki long :—ka Lyngkor (*The Plough*), u Ksew (*Dog Star*), u Nongbehmrád (*Hunter*), ka Mem Shong Shuki (*Lady on the Chair*), ka Pansngait (*The Crown*), ka Radha (*The Swan ne The Northern Cross*) bad kiwei kiwei de. Ngin batai lyngkot ãa ka dur jong ki katto katne na kine ki hara.

Ka Lyngkor ka long ka hara khlúr kaba shai tam ha ka sahit bneng. Ka don ha ki bynta ba shaphang shatei jong ka bneng. Ka dur jong ka ka ãa syriem ia ka lyngkor kumba ngi pyni ha ka dur. La pynlong ãa ka da ki hynñiew tylli ki khlúr kiba shong ha ka dur kum u dak jingkylli. ãa kane ka hara la tip ruh da kawei pat ka kyrteng kum ka **Dngiem Heh** (*The Great Bear ne Ursa Major*). ãa ki ar tylli ki khlúr jong kane ka hara ba ngi buh dak *a* bad *b* la khot ki 'Lúr kdew.



Lada pynjröng ãa u line uba pynñasoh ãa kine ki khlúr kdew sha kawei ka liang un leit ia kynduh bad uwei u khlúr marwei ba ngi khot u **Pole Star**. La khot kyrteng kumta ãa u namar u don ha ka zenith jong ka North Pole ka Pyrthei; kata ka mut ba u peiba ka Pyrthei na shathie haduh shatei u kdew sha une u khlúr ha ka ball bneng. Dei tang une u khlúr u bym khih jaka satia ha ka sahit bneng baroh shi lynter, kat kum ka jingiohi jong ngi nangne na pyrthei.

Hapdeng u Pole Star bad ka hara Lyngkor don ar tylli ki khlúr ba ki khot ki 'Lúr Phira (*The Guards*). Kane ka kyrteng ka wan mih na ka jingïohi ba kine ar ki khlúr, ki búd ryngkat ryngkat ha ka jingïaid ka Lyngkor bad ki i kumba ki phira ne ïa da ïa ka na u Pole Star.

Mar pyrshah ïa ka Lyngkor ha kawei pat ka liang jong u Pole Star, don kawei pat ka hara **Cassiopeia** ne ka Mem Shong Shuki. La pynlong ïa ka da ki san tylli ki khlúr ba la pynshong ha ka dur kum u W.

Ïa ka hara khlúr **Nong-behmrád** lah ban ïohi ha ka bynta ka sahit bneng ba shaphang shathie ha ki miet tlang ba shai bha. Ka shatei ka long ka phang ba ngi ïohi ïa u Pole Star bad ka shathie, namarkata, ka long ka phang ba ïa pyrshah ïa u Pole Star.



Ka dur kane ka hara khlúr ka long kaba itynnat shibún ban peit. Ki jér kyrteng Nongbehmrád ïa kane ka hara namar ki khlúr ki ïa shong ha kata ka rukom ba i kum u briew uba bat dieng tangon ha kawei ka kti bad ka stieh ha kawei pat, u da kieng ka waitlam ha ka syngkai. Ka kyrteng ba ki ái ki nongkhmih-khlúr ka long **Orion**. Ki 'riewhyndái ki tharai bá u dei u nongbehmrád ba donnam ba la leh kam sniew bad ba ki blei ki la buh ïa u ha sahit bneng kum ka jingmahám ïa kiwei pat.

Kine ar ki hara — ka Lyngkor bad ka Mem Shong Shuki — bad kumjuh ruh ki khlúr baroh shi bneng, ki shád sáwdong ía u Pole Star na mihngi sha sepngi. Kumta ki khlúr ruh ki ía mih bad ía sep hi kum ka Sngi. Namar ba kine ar ki hara ki ía pyrshah ha ka jingshong jong ki, lada kawei ka don hajan eh ka horizon (kata ka la jan sep) kawei pat ka dang jrong bha ha bneng. Ngi lah ban íohi ía ka Lyngkor naduh u Rymphang haduh u Risáw. Ía ka Cassiopeia pat ngi íohi bha eh ha ki miet naduh u Naiwieng haduh u Kyllalyngkot shuwa ka shiteng synñia.

4.—KI 'LÚR DIH-DUMA

(Comets)



Teng teng ju wan mih páw ha ka sahit bneng jong ngi ki kynja ding khlúr ba i phylla ba don de bad u tdong. Kine ki wan mih páw tang khyndiat por eh, ki hér íaid lait ía ngi bad ki sa jah noh. Ía kiba kum kine la khot ki 'Lur-dih-duma, namar u tdong ba jrong jong ki u ía syriem ía ka tдем kaba mih na ka shilim tangduma.

Kiba kum kine ki met bneng, ha ka jingshisha kim dei satia ki khlúr. La pynlong ía ki da ka kynja gas ba la bat lang shi jaka da ka bor phylla. Kim khia palat ía ka shi sér ne ar sér duh. Kine ruh ki íaid tawiar ía ka sngi, tang ba ki shim por da ki snem ban pyndep shisien tawiar:

Dei namar kata ba ngim iohi khah khah ia ki ba kin wan páw ha ka sahit bneng jong ngi.

Ka khlieh jong u 'lúr-dih-duma ka long pyllun kum ka ball; u lah ban don uwei ne ar tylli ki tdong. Une u tdong u nang jrong nang jrong katba u 'lur-dih-duma u nang wan tur shajan ka sngi. Ynda u la khun leit phai pat u nang rit nang rit haduh ba ha kaba kut u ia dait lang pat bad ka khlieh ball.

U 'lúr-dih-duma uba páwnám eh dei u Halley's Comet. La ái kyrteng ia u da ka kyrteng jong u nongshem uba la shem ia u, u Halley.

U Halley u long u stad-khmih-khlur uba páwnám. U la pynleit ia la ka por ha kaba wád ia kine ki 'lur-dih-duma ha ka por ba ym shym pat la ioh jingtip shibún shaphang jong ki. U Halley u la kheĩ u la diah shaphang ka jingiaid jong ki bad na kita ki jingkheĩ u la tharai ba la don uwei u 'lur-dih-duma uba imat u la páw shisien man la ka 75 snem. U la sngewskhem katta katta haduh ba u la iathuhlypa ba une u khlúr un mih páw pat ha ka snem 1758. U Halley u la iap shuwa kata ka snem. Hynrei ka jingiathuhlypa jong u ka la urlong kumba u la iathuh. Une u khlúr u la mih khatduh eh ha ka snem 1910. Kumta ngi lah ban khmih lynti ban iohi biang ha ka snem 1985-86.

Une u khlúr u i kumba u wan tur sha ka Pyrthei, hynrei ynda u la iaíd sáwdong ia ka sngi u sa leit phai pat shadien. Ki stad-khmih-khlúr ki ong ba u iaíd ha ka lynti kaba shaltuiĩ (*oval orbit*) sáwdong ia ka Sngi.

Uwei pat u 'lur-dih-duma uba wan páw pyrthei ha ka snem 1910 hi, dei u Day-light comet. La khot kyrteng kumta ĩa u namar lah ban ĩohi wat mynsngi ruh. La ĩohi nyingkong eh ĩa u da ki katto katne ki nongtih dewiong ha South Africa ha kawei ka step Kyllalyngkot ka snem 1910 tang mar shu ĩa mih sngi.

5.—KA JINGHAB KHLÚR

Ngi ju ĩohi teng teng ha ki miet ba shai bha ba don kiba i kum ki khlúr kiba wan háb sha khyndew. Ha ka ktien phareng ki khot ĩa ki *shooting stars* ne *falling stars* ne *meteors*. Ha ka Khasi ngin khot ĩa ki ki 'lur-háb.

Kine, ha ka jingshisha kim dei satia ki khlúr. Ngi la pule katno uwei uwei u khlúr u heh — da ki million bad phew million shah ĩa ka pyrthei. Lada uwei na kine ki khlúr te un háb halor ka pyrthei jong ngi kan jin da la lywit jin naduh mynno.

Ki 'lúr-háb ki long ki met ba la pynlong tang da u nar, ka nikel ne kiwei kiwei ki met ba long máw. Kine ki 'lúr-háb ki ĩaid kylleng ĩa ka haw haw. Teng teng la ring ĩa ki da ka Pyrthei. Haba ki shah ring kumne ki wan tur sha ka Pyrthei bad ki háb stet eh. Ha ka jingháb jong ki ki ĩa kyrshut bad ki phngit ba sdien ha ka haw haw. Kane ka jingkyrshut ka pynmih ka jingkhluit kaba jur kat haduh ba ki kem ding bad kumta haba ki háb i kumba háb ki khlúr.

Kiba bún hi na kinc ki 'lur-háb ki kylla jynháw noh shuwa ba kin dei khyndew namar ka jinging jong ki. Don katto katne pat ki bym pat lap ing lut kiba la háb noh ha khyndew. Ka jingkhia bad jingheh jong uwei uwei u 'lúr-háb ka lah ban kot naduh kata ka jong u phan rit haduh da ki hajár mon.

Ki por ba kham bún ba kine ki lúr-háb ki háb ki long hamar pdeng u laiong shaduh ba kut u 'Náilar bad 'Náiweng. Ngí lah ruh ban iohi ia ki teng teng ha kiwei pat ki bnái.

6.—KA JNGKHIE LUNG KI SYMBAI

Ha ka Kitáb kaba Nyngkong ngi la pule ia ka jingkhie lung ki katto katne ki jait symbái. Mynta ngin ia peit bniah shuh shuh kumno kiwei pat ki jait symbái ki khie lung.

A.—U KHĀW

U symboh kba u long ha kajuh ka por u soh bad u symbái. Ka skop ka long tang ka jingiada ia u symboh kháw uba don hapoh shuwa ba un khie lung pat, lada ngi bet ia u.

Lada ngi bet ia u, ka skop ka khlái noh ia lade hadien katto katne por. Na kawei ka liang mih ar ki shylluit - uwei uba sam beit shapoh ban long thied, uwei pat uba mih shabár ban long dieng. U kba um don satia ki ar tylli ki **liang** (*cotyledons*) kumba don u symbái motor ne shana. Hynrei ha ka por ba u




sdang shylluit, ka met u symbái hi ka pyndap jingbám ía u jingthung ba dang lung haduh ba un da lah shna hi la ka jingbám. Ía kane u leh da kaba pynkylla ía u kolok bad ki *protien* ba don hapoh jong u sha ki jingbám ba lah pynum suk. U symbái riewhadem u ía syriem eh ía u symbái kba ha ki jinglong jong u. U khie lung ruh lajan ha kajun hi ka rukom.

B. - U SYMBÁI KLONG

U symbái klong u kham long lyngsnap hapdeng bad kham rben sha ki rymiang. U don ar **liang** kiba dap da ki ksai-thied (*veins*).

Ynda la thung ía une u symbái bad áí um u pynskhem ía lade ha ka khyndew. Namar ka dur jong u, u ju thiah beit ha ka khyndew ba la thung ía u.


Nyngkong mih shuwa u thied lung uba sam shapoh khyndew. Une u pynmih pat ía ki thied khun rit kiba pyiar sáwdong. Shen shen mih i kynja bnoh rit na kawei ka liang une u thied. Ine i bnoh i bat ía ka bynta ba sharum jong ka snep u symbái, katba ka bynta kaba shajrong pat ka nang khyllie suki bad khatduh u shylluit u íeng beit ban long dieng klong.



K.—U SYMBÁI SOHTYNTOI.

Haba u symbái sohtyntoi u khie lung ka sner ba sop ía u ka pait shuwa. Na khlieh mih iwei i thied rit ba khun shapoh khyndew. Ine i sam bad pynmih la ki thied ban pynskhem la ka metbah ha ka khyndew.

Une u symbái u don ar ki liang. Ía kine ki liang mynta la ñiat lang shabar shalor khyndew ryngkat bad ía u shylluit diengbah. Kine ki sah halor khyndew katba u sara u nang san. Ki long kiba rben bad dap da ka jingbam. Dei kine kiba bsa ía u sara ba dang rit katba um pat mih sla ban shna la ka jong ka jingbám. Suki suki kine ki liang ki sti bad iap stái noh. Kat ban da poi kata ka por ki sara ki la lah hi ban shna la ka bám.



U symbái dieng Castor ruh u khie lung ha kane kajuh hi ka rukom. Tang ba ki liang jong u ki ju kylla jyrngam bad trei kam kum ki sla shi por.

D.—U SOHKHAJUR

U symbái sohkhaJur u long u shyieng jong u. U long uba eh bad ba don i snur rit napdeng. Lada ngin phiah ía une u shyieng ar liang ngi lah ban íohi ba la pyndap ía u da ka kynja ba lieh ba eh. Kane ka long ka jingbám jong u ha ka por ba un khie lung.

Lada ngin thung ãa une u shyieng ha ka khyndew sngem bad syaid, ngi lah ban ïohi kumno une u symbái u khie lung. Nyngkong eh, mih u thied khún ba sam shapoh. Ka bynta ba sharum jong u symbái ruh ka sam lang shapoh bad une u thied. Ka bynta ba sha khlieh pat ka sah hi hapoh u symbái. Ki thied ba mih kumne ki long kiba khlaiñ shibún.

Ïa u shylluit metbah la sop da ka kynja sop katba u nang san. Hapoh hangta u pynmih la ki sla bad khatduh u sa sam lyngba ãa ka sop ban long sara.

Ka Jingpyrshang (*experiment*) — Kumno ki symbái ki mih?

No. 1—Wieh ãa u kynphád ha ka um bad buh ãa u ha ka pliang. Buh ar láí tylli ki symbái halor u kynphád. Ai um man ka sngi.

Peit, mih shuwa uei — u thied ne u khmat sei-lung (shoot)? Ki thied ki ngam shapoh u kynphád? Ki khmat sei-lung ki siat shajrong?

No. 2.—Tyngkhap kotshonsia sáwdong u bilor heh shyntur. Bsuh láí tylli ki shyieng phresbin hapdeng u bilor bad ka kotshonsia. Pynshong ãa ki ha ki rukom ba phér ba phér.

Theh kumba shi inshi ka um hapoh u bilor. Khmih, jia aiu hadien katto katne sngi. Ai um man ka sngi ba kin ym tyrkhong ki symbái phresbin.

Jingkylli — 1. Kano ka bynta u shyieng kaba pait nyngkong?

2. Kano ka bynta kaba pait hadien?

7.—KA KAMRAM KI THIED DIENG

Phi la ju pyrshang ban rat ïa uno uno u jingthung naduh tynrai? Phi shem kumno? Kam da long kaba suk eh mo ! Wat ïa u jingthung uba rit eh ruh dei ban da tan bad pyndonkam khyndiat ka bor shuwa ba un sei lut shabar. Balei ka long kumne? Ka dâw ka long ba ki thied kiba ngam shapoh khyndew ki ksam bad bat skhem ïa ka khyndew. U thied bah u sam beit shapoh khyndew, katba ki thied rit ki pyiar sâwdong. Ngi ju iohi ba wat ka 'erlangthari kaba jur kam ju kham lah koit ban jynrat ïa ki dieng bah kiba don ha ka lynti jong ka. Kane ruh ka long ba ki thied kine ki dieng ki sam jylliew eh shapoh khyndew bad ki bat skhem ïa ki hangta. Kumta **ka kamram kaba kongsan** eh ki thied ka long ban pynskhem ïa ka metbah ha ka jaka ha kaba ka ka ïeng.

Ngi la pule ha ka Kitâb kaba Nyngkong ba kiba bún eh na ki jingbâm jong ki jingthung jingtep ki don shapoh khyndew. Na ki bynta baroh jong u jingthung dei tang ki thied kiba don shapoh khyndew. Ngi lah namar kata ban sngewthuh shai ba dei kine ki thied kiba kjit ia kine ki jingbâm na ka khyndew shapoh ka met u dieng. Ki leh ïa kane da ki shñiuh-thied

(*root hairs*) kiba mih hajan khmut jong ki thied. Kine ki kjit ãa ka jingbám ba la pynum da ka um. Kumta **ka kamram kaba ar** jong ki thied ka long ban ring ãa ka jingbám na khyndew.

Kam biang ãa ki thied ba kin shu ring ãa ka jingbám na khyndew khlem da ãa sám lem ãa ka sha kiwei pat ki bynta jong u jingthung. Ki donkam, namarkata, ban phah ãa kine ki jingbám sáwdong ka met u dieng. Ki lah ban leh ãa kane namar don ki kynja tyndong (*vessels*) ba syriem kum ki pipe um kiba ãaid naduh khmut ki thied haduh kliar bad ki sla ruh. Kumta **ka kamram kaba lái** ki thied ka long ban kit ãa kine ki jingbám na khyndew sha ka metbah bad ki sla.

Ki thied dieng kum u kajor, sohlakum, phankaro, ki long ruh ki kamra buh jingbám jong ki jingthung. Ki jingthung ba kum kine ki lah ban pyndonkam ãa kane ka jingbám ba la kynshew ha ka por rkhiang hadien. Kumta **ka kamram kaba sáw** jong ki katto katne ki jait thied ka long ban kynshew lypa ãa ka jingbám na ka bynta ki sngi kiba sniew.

8. —KA KAMRAM KA METBAH DIENG

Ha ki dieng kiba heh, **ka kamram kaba nyngkong** ka metbah ka long ban kyrshán ãa ki tnat bad ki sla kiba pyiar sáwdong. Ka metbah ryngkat bad ka jingkhlañ ki thied kiba kyrshan ãa ka ka pyndep ãa kane ka kamram.

Ki tyndong kit jingbám kiba sdang na ki thied ki laid lyngba ka metbah. Ha ka metbah ki paitpnat ban íalam ía kane ka jingbám sha ki bynta ba dang khie dang san u dieng bad sha ki sla dieng. Kumta ka **kamram kaba** ar ka metbah ka long ban kit jingbám.

Ka kamram kaba lái ka long ba ka metbah ryngkat bad ki tnat ka dei ban pynmih ki sla. Ka dei ruh ban pynshong ía ki ha kata ka rukom ba kine ki sla baroh kin íoh ía ka jingshai bad jingshit ka sngi khnang ba kin san. Ki pynmih ruh ía ki syntiew, ki soh bad ki symbái ban pynthikna ía la ka jingim bad bteng la ka jait ka kynja.

Haba ka metbah ka dang rit — kata ka dang long shylluit — ka lah ban shna jingbám kumba shna ki sla. Kumta ki shylluit ki trei ruh ía ka kamram ki sla.

Ía ka metbah jong ki katto katne ki jait jingthung — kum phan bad u piat — la shna ha kata ka rukom ba kin long ruh ki jaka buh jingbám na ka bynta u jingthung baroh uwei. Kiba kum kine ki jingthung, namarkata, ki trei ía kane ka kamram buh jingbám kumba don na ki thied dieng ruh kiba pyndep ía kata ka kam.

Ki metbah jong ki shyah ne kino kino ki jingthung ba mih sha ri shyiap ki long kiba bún um. Kane ka íarap ía ki ban ym iap tyrkhong ha ka jingshit ka sngi ri shyiap.

Nalor kine, don ruh sa kiwei pat ki kamram. Don katto katne ki jait metbah—kum ka met u

dieng sohwaĩñ ne tymphew — kaba kylla dur sha ki tnáw khyrwaĩñ. Ka kamram kum kane ka metbah ka long ban pynskhem ãa lade ha kiwei pat ki dieng ba ki pur. Ka metbah u dieng sohbel pat ka lah ban kylla dur ban long shiah. Ka kamram kum kane pat ka long ban ãa da ãa u jingthung na ki mrád.

9.—KA KAMRAM KI SLA DIENG

Ka kamram kaba kongsan tam eh ba ki sla dieng ki pyndep ka long kaba shna jingbám na ka bynta u jingthung baroh uwei. Ki jingbám ba la shna hangne ki long kham bún ka shini bad u kolok (*starch*). Ki sla ki shna ãa kine ki jingbám na ka um ba la kjit bad phah da ki thied, na ka *carbon dioxide gas* kaba ki sla hi ki kjit na ka lyer bad na ki bin bin jyrngam (*chloroplast*) kiba don hi ha ka sla bad kiba áirong kumta ãa ka. Dei tang ha ka por mynsngi ba ki sla ki shna jingbám, namar donkam ãa ka sngi ban ái ãa ka jingshit ban shet ãa kata ka jingbám, ha kajuh ka rukom kumba ngi ngi donkam diengiap ban shet ãa ki jingbám jong ngi. Ka jynháw kaba mih noh na kane ka jingshet ka long ka *oxygen*.

Ka kamram kaba ar jong ki sla ka long kaba ring bad pynhiar mynsiem. Baroh kiba don jingim naduh ki mrád, ki sim, ki dohkha, u briew haduh ki jingthung jingtep, ki dei ban ring mynsiem ãa ka lyer khuid kaba don *oxygen* bad

pynhiar mynsiem ia ka lyer sniew kaba don *carbon dioxide*. Kane ka trei kam bad sngi bad miet lyngba ki thliw rit kiba ngi shem kham bún ha ka liang kpoh (*undersurface*) jong ka sla. Pyniaphér ia kane na ka jingpynmih noh jong ki sla ia ka *oxygen* bad ka jingkjit pat jong ki da ka *carbon dioxide* ba kin tháw jingbám tang mynsngi kumba la pyni haneng.

Ki shñiuh thied ki ïai ring ia ka um na khyndew ryngkat bad ki jingbám. Ka um kaba don ha ka met u dieng, namarkata ka palat shibún eh ia ka jingdonkam jong u. Ia kane ka um kaba la palat ia ki jingdonkam la pynmih noh shabar lyngba ki sla ha ka rukom ka jynháw. Kane ka long ka **kamram kaba láí** jong ki sla.

Kine láí ki long ki kamram ba la pyndep da baroh ki sla. Hynrei don hangne hangtai ki sla kiba trei ia kiwei pat ki kamram ruh. Ki sla kiba kdup ia u piat ki long kiba bún um bad jingbám ba u piat u lah ban pyndonkam ha ka lawei. Kumjuh ruh ki sla ki jingthung kiba mih ha ri shyiap ki long kiba bún um ba ki jingthung kin ym ïapstai ha ka jingshit.

Ki katto katne ki jait tyrkhang ki don ki sla kiba shu nguh sha khyndew bad sei thied nangta hi. Ki sla u 'tiew begonia ki mih shylluit ha ki sla hi bad lah ban thung da kiba kum kine ki sla ban mih da uwei pat u jingthung. Kum kine ki jait sla ki trei ia ka kamram ban pynkharoi ia la ka jait.

10.—U WIEH

Īa u wieh ngi shait kham shem eh ha ki kpér ki phrah ne ki jaka sngem. Īa ka met jong u la pynlong da ki ksah (*rings*) kiba la pyniasoh lang kawei bad kawei pat. Ka khmut jong u ka long kaba nep ba un suk tih khyndew. Ka tdong pat ka kham madan.

U wieh um don khmat ne shkor satia ; hynrei u lah ban pynīaphér Īa ka jingdum na ka jingshai da ka snieh jong u. Um don kjat ruh bad kumta u pár da ka kpoh. Na ka kpoh jong u mih phra tylli ki kynja treng kiba rit bha ha man la ka ksah, da kiba u pynskhem Īa lade ha ka khyndew ba u pár. U wieh u ĩaid na kawei ka jaka sha kawei pat da kaba u pynrit bad pynheh Īa la ka lynter jong u.


Phin sngewphylla shibún ban tip ba u wieh ruh u don ka snám kaba sáw kum ka jong ngi. U don ki thied snám kiba don ha syndah ka snieh jong u. U don uwei u thied snám uba heh uba ĩaid na ingdong bad uwei pat na ka kpoh. Īa kine la pyniasoh shajan ka khlieh ha ki san jur ki thied snám kiba sieb kiba trei Īa ka kam u klong snám. Kumta ngi lah ban ong ba u wieh u don san jur ki klong snám. Dei tang u wieh napdeng ki jingtháw don ksah, uba don snám.

Ha man la ki ksah jong ka met u wieh don ki thlew syep. Na kine mih ka kynja um ba btuit kaba pynkhuid Īa ka met u wieh bad Īa da Īa u na ki khñiang jingpang. Dei da kane kajuh

ka um ba u wieh u lape ïa la ki krem shapoh khyndew.

U wieh u long u lok babha eh jong u nongrep. Haba u tháw krem shapoh khyndew, u tih bad pynmih noh ïa ka 'dew thymmái na shapoh bad rong ïa ka sha sla khyndew. Ha kane ka rukom u pynsboh ïa ka khyndew. Ngi la ju ïohi ïa ki eit wieh ha ki kpér jong ngi. La kheiñ ba 50,000 ki wieh ha ka shi akar ka sla khyndew ki kyntiew 28 ton ka khyndew shi snem.

U wieh u bám da ki sla dieng. U ju tan ïa ki barobor sha khmut krem jong u bad bám ïa ki na shapoh krem. Kane ka ïarap ruh ban ïa da ïa ki krem jong u ba kin ym páw shynna ch. Ki pyllait lynti katto katne ban rung ka lyer ban ym iap-op.



U wieh u long shynrang bad kynthei ha kajuh ka met. Ha u wieh ba la kham ïáw ngin lap ka ksah kaba kham heh bad kaba lam lieh, kumba 30 ksah na ka khmut jong u. Kane ka ïa ryngkat bad ka jingheh 6 tylli ki ksah. Lada phin peit na sha ka kpoh phin ïohi ar tylli ki thliw. Kine ki dei ki lynti na kiba ki pylleng ki wan mih. Ha ka por kha pylleng u wieh u shna halor kane ka ksah sa kawei pat ka ruh.

Ha kane ka rúh u kha 6 tylli ki pylleng. Īa kane ka rúh mynta u loit na shaphang khlieh syriem kumba lów soptipoh ma ngi. Mar ĩa lait na ka khlieh kane ka rúh ka set noh ĩalade bad ka shim ĩa ka dur u sohmád. Hapoh jong ka don mynta 6 tylli ki pylleng ; hynrei tang uwei u wieh u wan mih na ka. Tip jia aiu sa ĩa kito san tylli — ym lah ong.

Ki nongshun bakongsan eh jong ki wieh dei ki sim. Dei namar ka jingtieng jong ki ĩa ki sim ki doh bad ka jingtip ba kim lah ĩaleh pyrshah ĩa ki, ba ki wieh ki mih tang mynmiet bad ha ka por slap ha bym don nongshun. Ki jakoid, ki 'ńiangbshiah bad ki katto katne ki jait 'ńiangsohriew ki bám wieh. Nalor kata ki rawon ruh ki shait pyndonkam da u wieh ban suh khwái dohkha.

U wieh namarkata, u long u jingtháw uba sniewbok; namar la um pynjutor ĩano ĩano —hynrei tang ka pynbha—u don pynban bún ki nongshun.

Lada ot ĩa u wieh ar lyngkhot u lah ban ym iap. Ka khlieh ka lah ban pynmih tdong da uwei pat bad kumta ka im biang. Tarŋg u tdong u sti suki suki bad u iap noh.

Jingpyrshang (*experiment*) kumno u wieh u pynsboh ĩa ka khyndew.

Donkam katto katne ki wieh, u bilor heh shyntur uba heh bha, ka 'dew stem, ka 'dew kaba ŋong, sla iap, ka járnar.

Thep 'dew stem shuwa hapoh jong u. Thep sa ka 'dew kaba ñong halor ka 'dew stem.

Thep katto katne ki wieh. Khmih kumno ki ngam shapoh.

Thep sa ki sla ñap halor ka khyndew ba la thep.

Buh ña u bilor haba kah syrngiew. Tap da ka járnar ña ka shyntur u bilor.

Hadien shi taiew peit jia aiu ña ka khyndew hapoh u bilor.

Jingkylli—Balei dei ban thep sla ñap ha jrong ka khyndew?

11.—U THLIEM

U thliem u wan na kujuh ka ñing bad u wieh. Ka jingiapher hapdeng jong ki ka long, ba ña ka met u wieh la pynlong da ki ksah, katba ha ka jong u thliem pat ym da don eh ki ksah kiba thikna. Nalor kata ka met u thliem ka kham lyngkot ban ña ka jong u wieh.



U thliem um im satia da ki sla dieng kumba im u wieh; hynrei u im ha ka snám jong ki mrad, ki sim ne wat ka jong ki briew ruh.

U thliem u ña phér na u wieh ha kaba um don satia kito ki treng rit, da kaba um lah ban

pynskhem ia lade ha ki jaka ba u laid. Ha ka jingshisha u thliem um pár kum u wieh ; hynrei u shu tda. Ia kane u leh da kaba u pynskhem ia ka khmut jong u ha kano kano ka jaka ha kata ka rukom ba ka met jong u ka khun kum ka ryntieh. Ynda la skhem ka jingbat ka shyntur u pyllait noh ia ka tdong jong u bad u ring ia ka haduh khap ka khmut. Hangne u pynskhem pat ia ka jingbat da ka tdong jong u bad u tda pat ia ka khmut sha khmat ba un nang laid shaphrang.

U thliem u don ka shyntur ha baroh ar ki tduh jong u—kata, bad sha khmat bad sha tdong Lada u ioh snoh ha ki mrád ne ki sim ne u briew, u ksam ia ka doh bad kjit ia ka snám. U don uwei u jait thliem uba ki doctor ki pyndonkam ha kaba pynkjit ia ka snám sniew na ki nongpang jong ki.

U thliem u sngewtynnat eh ban shong ha ki jaka sngem bad sañium. Nangne u lah ban snoh khlem da iohi ne iohsngew ha ka met ki mrad ne ki briew kiba leit shur sha kum kita ki jaka.

12.—U BSEIN

Baroh ngi ijli bad tieng ia u bseiñ, namar u long u jingtháw uba kynsha. La katta ruh ngi dei ban pyrshang sngewthuh ia ka jinglong jingim jong u.

U bseiñ u sngewtynnat eh ban shong ha ki jaka kiba syaid. U long uba stet shibún ha ka jingpár jong u. U lah ban kiew dieng bad jngi ruh ha um,

Lada ngin puid ia u bseiñ ngin iohi ba ia ka rúh-met (*skeleton*) jong u la pynlong da ki shyieng búdlum ba la pyniasoh lang ter ter kawei hadien kawei pat. Kawei kawei ka shyieng ka long dur kum ka pela na kawei ka liang bad ka ball ha kawei pat. Na ki ar liang pat mih ki shyieng shadem. Kane ka shyieng ba kum ka ball ka leit dait ha ka thliew shyieng ba kum ka pela bad ka lah ban phai shane bad shatai. Haba la bteng lang ter ia kum kine ki shyieng kiba nang rit katba nang jan sha tdong ngi iohi ia ka rúh-met u bseiñ. Dei kane ka rukom shong jong ki shyieng kaba ái lád ia u bseiñ ban phai shane bad shawei katba u mon.



Ia ka met u bseiñ la tap da ki snep, kum ki snep dohkha, kiba la pyndait skhem bha. Ha ka kpoh jong u pat don ki syrtap doh ba long kum ki mat. Kawei kawei ka syrtap doh ka tap ia kawei ka shyieng búdlum ba ngi la batai haneng. Da kine ki syrtap doh, u bseiñ u pynskhem ia lade ha ka khyndew ba u lah ban iaid. U bseiñ namarkata, um lah satia ban iaid ha ka jaka kaba jlih bha — kum ha ka iit.

U bseiñ u báam da ki kynja mrád rit ne sim, jakoid bad khnai. Hynrei um don bniat kum ka

miaw. Kumta u shu klun tylli ïa kano kano ka mrád ba u ïoh. U don ka tyngam kaba heh bad kaba lah ban pynheh pynrit ïa lade kum ka jri. Da ka jingïarap jong kane u klun suki ïa ka jingbám ba u bám.

U bseiñ u don tang uwei u tor bad u tangkro da kiba u ring mynsiem. U don ruh u thylliej uba paitpnat bad ar tylli ki khmat.

Baroh ki bseiñ kim long kiba don bih. Kito kiba don bih ki don ki bniat da kiba ki puh. Kine ki long tang ki tduh jong ka pla kaba don ha khlieh ha kaba ki buh ïa ka bih. Lah ban ithuh ïa u bseiñ ba don bih. Ka khlieh jong u ka kham ïar bad ha ka don ka dak thoh ba kum u dak 'V'. Ha ka met jong u don u line u bym ïaid beit na khlieh sha tdong.

Ka kmie bsieñ ka ju kha katto katne ki pylleng kiba syriem ïa ka dur u soh *grape* ha ki jaka kiba syaid — kum ha thliew theh ñuit. Don ki kynja bseiñ kiba ka kynthei ka kit ha lade ïa ki pylleng jong ka haduh ban da dap ka ïa pdem. Kine ki jait bseiñ, namarkata, ki i kumba ki shu kha hi da ki khun bseiñ.

Ki bseiñ ki ju lér la ka snieh tang teng teng. Ka snieh rim ka pait noh hamar ryndang bad u bseiñ u lów ïa ka dadien da kaba u ksaid hapoh u phlang jrong ne 'lówbniap. Ha ka por tlang u bseiñ u shong khop hapoh krem ba syaid jong u, u sa mih pyrthei pat ynda la shit.

U 'seiñ ïong (*Cobra*) u dei uba sniew tam na ki bseiñ baroh. U kynrei ha ki jaka shit ha ri

India. U 'seiñ phlang pat um don bih satia, la u pyrsád jur.

Wat la u bseiñ u long uba ma, pynban u don la ki jingdonkam, Ki ong ba ka khleiñ bseiñ ka long kaba dondor shibún. Wat ia ka bih jong u ruh ki ju shna dawai teng teng. Ki bseiñ ki pynduna ia ki khnái da kaba ki bám ia ki.

13.—KI JAKOID

Harud ki wah jong ngi — khamtam ha ki jaka ba kham ktieh bad bym latlat — ngi ju iohi ia kito ki jingtháw heh khlieh ba ngi khot ki lun. Phin sngewphylla ban tip ba u lun u long tang u jakoid khúnlung.

Ki jakoid ki kha shibún bah ki pylleng ha ki khah ne ñiut harud. Iwei iwei i pylleng i long kum u dot ba iōng hapdeng ba la kér kut da ka um teiñ teiñ ba pyllun sáwdong. Shibún kum kine ki pylleng ki ia lang lang bad ki iar kat ka sla'ti u briew.

Hadien kumba ar taiew ne ki lun rit ki wan mih na kine ki pylleng. Ki pynskhem ia lade da la ki khlieh ha ki khah kiba long hapoh um haduh ba kin da khlaiñ bha. Nangta ki sdang ban jngi sáwdong ka um da kaba ki kaweh la ki tdong kum ki dohkha. Kine ki lun rit ki don ruh ki shaba (*gills*) kiba mih shabar syriem kum ki shnet. Katba ki lun ki nang san kine ki shaba ruh ki jah noh suki suki shapoh bad ki kylla long kum ki shaba dohkha.



Katba u lun u nang san, u tdong jong u ruh u nang rit nang rit. Hadien kumba hynriew hynñiew taiew, ki kijat dien ki mih. Kine ki kijat ki mih bad ki sla'jat ba ia dait syriem kum ki jong ka hán, tang ba ki don tang sáv shympriah. Ki kti ruh ki mih kham hadien bad ha ka jakoid ba la heh bha ki kham lyngkot shibún ia ki kijat. La tháv khnang ia ki ha kane ka rukom ban iarap ia ka jakoid ban suk kynthih. Ryngkat bad kine ki jingkylla, ki shaba ruh ki nang duh nang duh bad ha ka jaka jong ki mih da ki tor. U lun mynta u kylla jakoid rit bad u ring mynsiem da ka lyer kum ki mrád. Katba u tdong u nang jah ki lun jakoid kim smat shuh ban bám ia ki ñiut ne jhur. Ki sdang ban bám da ki mrád kum ki wieh, khñiang bad kiwei kiwei.

Mynta u jakoid rit u kynthih sha lum namar um lah shuh ban shong tang hapoh um.

Lada phin pyrshang ban peit thuh bha ia u jakoid harud um ne pung, phin iohi ba u don ar

tylli ki khmat kiba heh bha pyllew. Haba u jakoid u bām jingbām ki khmat jong u ki dam, namar ba u ñiat ña ka jingbām shapoh da ki pyllew khmat jong u.

Harum khyndiat don sa ki thliew khmut ba rit. Ki jakoid ki ring mynsiem da kaba ki pyndap shuwa ña ka shyntur kaba heh jong ki da ka lyer; nangta ki khang noh ña ki thliew khmut bad ki sa ñiat ña ka shapoh ki tor. Lada u jakoid u ang la ka shyntur, un ym lah satia ban ring mynsiem. Peit bniah kumno ka shyntur u jakoid ka at ka them haba u ring mynsiem. U jakoid u ring mynsiem ruh lyngba ka snieh ba sngem jong u.

Ña u thylliej jong ki briew ne mrád la pynskhem shajan u tangkro; hynrei ña u jong u jakoid pat, la pyndait ña u na sha khmat, katba ka khmut thylliej ka phai sha u tangkro kata mar pyrshah ña ka jong u briew ne u mrád. U jakoid, namarkata, u lah ban sei ña u thylliej baroh uwei shabar. U long uba stet haduh katta katta. Uno uno u skaiñ uba wan hér shajan u jakoid um ju kham lait im thala. Kaba phylla ka long ba u jakoid um ju kem ña kano kano lada kam long kaba khih.

Ka met u jakoid ka long thoh bruiñ kumno re. Kane ka ña da ña u na ki bseiñ ne ki mrád ba kin ym ñohi than ña u haba u rieh hapoh ñiut.

Ngi ñohi, namarkata, ba u jakoid u don ar ki jingim — kum u lun uba im, bām, ring mynsiem bad jngi kum ka dohkha bad kum u mrád khyndew.

14.—KI SIM KI DOH

Napdeng ki jingtháw baroh, lehse ym don kiba itynnat palat ía ki sim. Katno ka long kaba sngewtynnat ka jingrwai jingsiaw jong ki. Ngi pule ha ka Kitáb kaba Nyngkong ba kine ki sim ryngkat bad ki hán bad syiar ki wan na kawei ka iing ki jingpynlong U Blei. Mynta ngin kham ía peit bniah ía ki jinglong jong ki.

Ki sim baroh ki lah ban hér namar ba ki don shi jur ki thapniang. Ha ka jingshisha, kine ki thapniang ki long tang ki kti ía kiba la pynkylla thapniang khnang ba ki lah ban kaweh ía ka lyer ban hér. Ngi iohi ba ki kjat sim ki sah hi ki kjat.

Ía ka met sim baroh kawei la tap da ki snér kiba ía syrtap kawei halor kawei pat. Ki don ki jait sim kiba ñiar ki snér, don pat kiba khah. Ía ki lbong bad ki kjat la ju kham tap da u kynja shñiuh ba jem uba long ki snér lung. Ka jingdon kine ki snér ka iarap ban pynsyaid ía ka met jong ki. Ki ía da ruh ía ki na ka jingkhriat ba na shabár.

Namar ba ki sim ki dei ban hér ki dei ban long kiba sting. Kumta ki shyieng jong ki wat la ki long thliew shapoh, ki long ruh kiba khlaiñ ha kajuh ka por. Wat u dieng snér (*stem of feather*) ruh u long kum u noi bad um ju pait thala. Ía ka met ki sim hi la tháw dur ba kin nep sha khmat. Kane ka iarap ía ki ban ot ía ka lyer haba ki hér khlem jingshitom. Dei na kane kajuh ka dáw ruh ba ki khmut liengsuiñ baroh ki

nep. Ban sngewthuh ãa kane shim ãa ka tráb. Lada phi da tráb pyrshah ãa ka lyer phin ãohsngew ãa ka bor jong ka lyer ba ka shoh ha ka tráb. Hynrei lada ãa ka tráb phi bat ba kan long *parallel* ãa ka khyndew, phin ym ãohsngew eiei ba ka lyer ka shoh ãa ka tráb.

Ki sim baroh ki don shyntur; hynrei kim don bniat. Dei namar kane ka dâw ba ãa ki shyntur jong ki la thâw kyrpang kat kum ka jingdonkam jong ki ha kaba bâm ãa la ki jait jingbâm. Ka simkhar ka don ka shyntur kaba eh kum ka reng da kaba ka lah ban pynlwit ãa ki symbái ba ka bâm. Ki tyngáb ki don ka shyntur kaba kum u lyngka kdor (*pick axe*) da kaba ki lah ban khlong wieh napoh khyndew. Ka khmut tuta pat ka khun ha kata ka rukom ba ka lah ban pied soh ne kait. U sim puh dohkha pat u don ka shyntur da kaba u lah ban khwái dohkha napoh um. Bad kumta ter ter.

Baroh ki sim ki ring bad pynhiar mynsiem da ki tor. Kine ki tor ki kham rit shibún shah ãa ki jong ki mrád. Kiba kham bún ki bynta jong ka shadem bad ka met bad ki bynta ba lait hapdeng ki shyieng krung ki don ki pla lyer ha ki. Wat ki thliw shyieng ruh ki ãasoh sha ki tor. Kumta haba ki sim ki ring mynsiem la pyndap ãa ka met jong ki baroh da ka lyer. Kane ka ãarap ruh ban pynsting ãa ki ban hér.

Ki sim ki kha da ki pylleng kum ki syiar. Don ki pylleng kiba heh, don pat kiba rit. Baroh ki pylleng ki don ka shynrong kaba eh na

shabar, ka snieh stang (*membrane*), ka khangai bad kaba lieh jong ka pylleng shapoh. Kano kano ka sim ka pdem ia kine ki pylleng ba kin long khún. Dei ka jingsyaid ka met ka kmie kaba iarap ban pynkylla khún ia kine ki pylleng. Kawei-pa-kawei ka jait sim ka don la ka ia kaba biang ba ka dei ban pdem ia ki pylleng shuwa ba kin paít ban long khún.

Khnan*g* ia ka ban buh ia kine ki pylleng, ki sim baroh ki tháw la ki skum. Ki tháw ia ki na ki thynrá*m* dieng ne ki sla dieng ne na ki kot jot ne ki phlang. Don na ki kiba tháw ki skum kiba itynnat shibún—ki da lape jlih bha ia ki da ka khyndew. Don pat kiba shu tháw tang madei mata. Kine ki skum ki long ruh ki jaka ha kiba ki khún sim ba dang rit bym pat lah hér ki shong. Ki sim ki ju shna ia ki skum, ba ka kynth*e*i kan kha pylleng, da ka jingiatrei lang baroh shi lok. Ha ka por ba ka kynth*e*i ka pdem pylleng, dei u lok uba leit wad jingbám ban bsa ia ki. Ynda la puh khún pat, baroh ar ngut ki leit wád jingbám ban bsa ia ki khun rit jong ki.

15.—U DIENGBLEI

Une u dieng u mih ha ki khláw jong ka ri Assam. Haba u dang rit ka kliar jong u ka nep kum ka khoh; hynrei ynda u la heh ka sa iar. Ka snep u dieng ba dang rit ka long kaba jlih tang ba ka mih eit-thyllah; teng teng don núr rit ha ka met baroh kawei. Ynda u la heh kine ki

núr kim ïaid ryntih shuh bad ka met ka mih ksái de. Ynda u la tymmen, ka met une u dieng ka jlih pat bad ka kylla ïong bthuh lam jyrngam.

Ki sla haba ki dang rit ki lam sáw ha ka rong; hadien pat ki kylla jyrngam bad shuwa ba kin iapstái noh ha ka por tlang ki kylla stem bad bthuh. Kine ki sla ki ïar kum ka pylleng ha ka dur bad ka khmut jong ki kam da nep satia. Haba ki dang khie bha, ki sla ki phyrnai itynn timer bha.

Ki syntiew ki mih ha khmut ki tnat dieng. Ki long rong makhon ne lam stem ha ka rong. Ki lah ban heh tang kumba shiteng inshi ne.

Na une u dieng ngi ïoh ïa ki dieng sáwdong ban tháw ïing. ïa ki dieng ba la buh pyngkiang ha kiba la pynshong ïa ki nar rel ki khot *sleepers*. ïa kine la ju pyndonkam da ki dieng sal. U diengblei u long uba bha bad skhem. Teng teng ki ju khem ïa ka snep une u dieng ban ïoh ka kynja rong bthuh. ïa ka khleiñ (*resin*) kaba mih na une u dieng ki ju pyndonkam ha kaba tah ïa ki lieng ba kin ym pei um; ki ju pyndonkam ruh ïa ka ha kaba thang kum ka jingiwbi.

16.—U DIENGKSEH

Ka ri Khasi jong ngi ka don shibún ki diengkseh. Katno ka long kaba sngewtynn timer ban ïaidká ha ki 'láv kseh kiba beh lyer iwbi.

Ki diengkseh ki long kiba beit bad jrong. Ki sla jong ki ki long kiba nep kum ki thyrnia

bad ngi ju shem ba ki mih láí láí tylli shi sop. Ka jingrit jong ki sla kseh ka iarap ía ki ba kin ym duh than ka um na ka met jong ki ha ka rukom ka jynháw. Dei kane ka jingshisha kaba la pynlong ía ki ba ki lah ban íai jyrngam sah baroh shi snem lynter katba kiwei pat ki dieng ki la lyngkhuid.

U sohkseh ne sohmaríh u long tang ka jaka ha kaba ki symbái kseh ki shong. Kine ki symbái kseh pat ki long kiba rit bad kiba la pyndait da ka kynja snér stang. Kine ki snér ki iarap ban kit ía kine ki symbái sha jngai na ka jaka ba ki mih.

U diengkseh u pynmih ka diengkseh kaba bha; ngi ju thang ding ía ka. Na ki dieng kiba kham heh ngi íoh ki lyntang shna íing. Ki ju pynlang ruh ía ka khleíñ kaba mih na ki diengkseh bad pyndonkam ía ka.

17.— KI HATI

Ki hati ngi lah ban oríg, ki long ki mrád kiba heh tam ha ryngkew. Don bún ki hati ba ki briew ki lah ban ri; hynrei dang don ruh bun kiba dang im hapoh khláw.

Kiba im hapoh khláw ki im ha ki kynhun. Ki bám da ki sohkháw, ka lakait bad kiwei kiwei de; teng teng ki ju wan bám kba wat na pynthor ki briew ruh. U hati ba la kham sngewkhláíñ ía lade u phet noh na ka kynhun bad kylla hati

sáwkuna. Ka long kaba shyrkhei shibún ban
 ía kynduh bad une u hati ha khláw.

Baroh ki hati ki mih na kajuh ka jait bad
 u kulái. U hati u don ár tylli ki skhor kiba heh
 kum ka tráp bad ar tylli ki khmat kiba rit kum
 ki jong u dkhan.

U hati u don u luta uba jrong uba jem bad
 da u u trei shibún ki kam. La pynlong ía u da ki
 ksah (*rings*) dohksah ba jem kum ka jri. Hapoh
 jong u don ár tylli ki tyndong. Haba u hati u
 kwah dih um, u kjit shuwa ía ka um ha kine ki
 tyndong u luta jong u; nangta u sa phylliew
 ha la ka shyntur da kaba u buh ía ka khmut
 luta hapoh shyntur. Une ujuh u luta u iarap ía
 u ban sma, namar ha ka jingshisha, u dei tang
 ka khmut ba la pynjrong.

Kumno u hati u lah ban khár wat ía i
 thyrnia iba rit eh na khyndew? Ha ka khmut
 u luta jong u don ár tylli ki tnáw kiba rit eh da
 kiba u pyndonkam ban tam eiei, kumba ngi ki
 briew ngi pyndonkam ía ka 'ti kmie bad 'ti
 kdew.

Wat la u luta u hati u long uba jem, pynban
 u long ruh uba khlaiñ. U lah ban rah ki dieng
 kiba heh ba heh; u lah ruh wat ban jynrat ía ki
 naduh dyngkhong. Ha ri India, ía ki hati ba ri
 ki briew ki ju pyntrei kam rah dieng.

U hati uba la heh u don ár tylli ki kynja reng
 ba ngi khot ki 'bniat hati'. Ki briew ki kheñ
 kordor katta katta ía ki. Kine, ha ka jingshisha,
 kim dei ki bniat da kiba u ktha jingbám


kumba ki bniat jong ngi ki ktha. Hapoh ka shyntur jong u u don árphew sáw tylli ki bniat kiba paitpnat bha — khatár shaneng khatár sharum. Kine ki shong mar hynriew hynriew shiliang shiliang ka tyngam. U hati um ju pyndonkam lut ía ki árphew sáw baroh shisien pyndonkam. Um ju pyndonkam ruh palat ía kawei ka bniat na kawei kawei ka liang ka tyngam shisien pyndonkam. Ynda kine kiba u pyndonkam ki la lut u ktha sa da kiba kham nadien bad kumta ter ter haduh ba kin da lut baroh árphew sáw tylli. Ka jinglut ki bniat jong u ka suki katta katta ba baroh ki árphew sáw ki neh baroh shi jingim.


Ha ki jaka shit, ki hati khláw ki ju sngewtynnat ban sum. Lada ym don wah kaba heh ki shna nan hi da kaba den ía ka wah duit ha ka jaka khim.

U hati u long u jingtháw uba jemnud shibún eh. Wat i khúnlung i lah ban íalehkái bad u. Hynrei haba u khie dom ka long kaba ma bad shyrkhei. U kynmáw dngong ía kiei kiei baroh. Kawei ka rukom ba u hati u ju siew kyliang ka long da kaba u pashait um da u luta ba u la pyndap um lypa. Ki hati khláw pat ki shu wan ban pynjutor bad íing bad sem, bad bue, bad mrád.

18.—U RHINOCEROS

Ka ri Assam ka páwshí ba ía don ha ía khláw jong ka ía une u mrád ba ki khot u *rhinoceros* (kynnoh rai-no-se-ras). Ngim shean





shuh ìa une u jait mrád ha kiwei kiwei pat ki khláw ka pyrthei lait noh tang ha Africa.

U long u mrád uba heh lajan kat u hati. Ka dur jong u ka i ma namar u don kawei ka reng kaba heh bad ba jrong kat shi pruh ìne kaba mih na ka khmut jong u. Don katto katne ki jait rhinoceros kiba mih sa kawei ka reng na shyllangmat. Ki kjat jong u ki long kiba heh bad u don láí tylli ki tyrsim khnap syriem kum ki khnap masi; tang ba u don ki poh-jat kiba rben ha kiba u kyrshan ía lade. Ía ka met jong u ía tap ða ka snieh kaba jwat bad rben. Kam jlih beít kum ka snieh masi hynrei ka khyliap syrtap hangne hangtai.

U rhinoceros, ía u heh ruh, um ju dom thala. Ðei tang ía ka por ba u mynsaw ba u dom riang. Haba u beh ía u briew ne u mrád, u march ða dem ía ka khlich bad naba u ía poi hajan bha u

shu kyndang napoh shalor. Lada shah beh ha une u mrád, kaba bha eh ka long ban kiew halor dieng.

U rhinoceros u sngewtynn timer ban kyrsum ktieh ia lade? Balei? Ki khñiang kiba rit ki shait rung ha ki syrtap dohjem jong u. Kumta lada u kyrsum ia lade da ka ktieh kine ki khñiang ki kham shitom ban pynshitom ia u. Kine ki dohjem ki don ha u ryndang, ki tyrpeng bad haneng khohwah.

Kine ki mrád ki im lang shi kynhún. Ki pynkhuid ia ka jaka kaba heh hapoh khláw da kaba ki ñiom ia ki dieng bad ki ieh pat katto katne ban kah syrngiew ia ki haba shit ka sngi.

Ngi lah ban iohi ia kine ki mrád ha 'láv kyntang Kaziranga ha Nowgong District.

19. —U DIENGKHIED

Ngi ju shem ia une u mrád ha ki khláw ri Khasi jong ngi. U wan na ka iing ki khnáí. U tih shapoh khyndew bad u tháw la ka krem. Hangta u shait thiah baroh shi tlang.

Ia ka met u diengkhied la sop da ki kynja shiah ba long kum ki khnam. Ia kine u pyndonkam ha kaba ia da ia lade na ki nongshun. Don ár jait kine ki khnam ha ka met u diengkhied. Kito ki bym don bih ki don ha ki tyrpeng bad ki kjat; kito pat kiba don bih ki don ha ka met jong u. Um ju kham pyndonkam thala ia kine ki khnam; hynrei lada pyndom ia



u, u pynieng beitiã ki bad u lah ruh ban siat. Lada kine ki khnam ki dei ã u mrád ne u briew, ki pynshitom shibún ã u, ki pynpang bad ki lah ruh ban pyniap ã u.

Kine ki khnam ki jrong haduh kumba shi pruh ne bad ki thoh lieh thoh ãong. U tdong u diengkhied u pynmih ka jingsawa kaba phér haba u kynthér ã u haba u dom.

Ki Red Indian ki ju tháw shibún kiei kiei da kine ki khnam u diengkhied. ã u tdong ba jem jong u ki tháw ã ki kynja shang ne ã ki jingpynitynnat ã ka ãing ka sem.

Ka jingbám u diengkhied ka long da ki snep bad sla dieng ha ki trai jong ki dieng kiba u u shong.

20.—KI DÁW JINGPANG

Ngi tip baroh ba ã ki jingpang la tháw da ki khñiang jingpang ba lah ban don ha ka lyer, ha ka um ne ha ki jingbám jingdih jong ngi. Ki jingíohrung jong ki shapoh ka met u briew ka

pynpang ia u. Ia kine ngi khot ki dâw jan jong ka jingpang. Kiwei pat ki daw jan jong ka jingpang ki lah ban long ruh ki jingmong ne jingmysâw bad ka bih. Ia ka bih, u briew u lah ban dih hi da lade ne ki bynta ka met jong u ki kylla bih na kano ma ka daw.

Pynban tang ka jingïohrung ki khñiang jingpang kam biang satia ban pynpang ia u briew. Ha ka snâm u briew don shibún bah ki pulit snâm kiba ap phira ia ka met jong u. Lada kine ki nongshun khñiang jingpang ki rung shapoh ka met, kine ki pulit ki ñalethma pyrshah ia ki. Ka met ha kaba bún kine ki pulit — kata, ka met kaba khlaiñ ba shait bha ka lah ban pynduh noh ia kine ki nongshun shuwa ba kin trei la ki kam ka jingpynjot.

Ngi lah, namarkata, ban ñohi ba don ki dâw jngái kiba pynlong ia ki met jong ngi kiba tlot kiba ki khñiang jingpang ki lah ban trei donbor Kine ki long—

A. **Ka jinghiar pateng** — ki jingpang, kum ka jingpang awria bad kiwei kiwei, ki long kiba lah ban hiar pateng na ki kmie ki kpa sha ki khún.

B. **Kiba ngi ñoh hi hadien ba la kha** — Ia kine ngi lah ban bynta kumne :—

(i) **Ka rta** — Don ki jingpang kum u 'ñiangsyiar bad 'ñiangkhar kiba ngi ñoh tang haba ngi dang khynnah bad ngim ju ñoh shuh ynda ngi la rangbah ne tymmen. Ki jingpang kum ka *highblood pressure* pat ngi ñoh tang ynda ngi la kham ñaw ha ka rta.

(ii) **Ka jinglong kynthei shynrang** — Don ki jingpang kiba kem than tang ia ki kynthei. Ka jingpang kum ka *diabetes* (ka pang bún shini) ka kem eh tang ia ki shynrang ba la iaw.

(iii) **Ka jinglong ka bneng bad ka jaka ba ngi shong** — Ka bneng ba shu khriat lynter ka ái lád ia ki khñiang jingpang, jyrhoh bad sahiaw ban trei kam bha. Ki jaka pat kiba shit ki pynmih ia ki jingpang jaka ri shit.

(iv) **Ki kam ba ngi trei** — Ki briew ba trei kum ha ki pár dewiong ne ha ki jaka saiñ iit ne ha ki karkhana trei kynphád ki kloi eh ban ioh ia ka jingpang ba ktah ia ki tor.

(v) **Ka rukom im jong ngi** — Ka jingdih kiad kyrni ka pynsgaid tlot ia u briew. Ka pynstang ia ki snier bad ka ái lád ia ka pang cancer ban roi. Ka jingbám sih jong ngi ruh ka pyntlot ia ka met.

Ka jingshong khapngiah ha i kamra rit bym lait lyer bha ka pyntlot ia ki tor jong ngi.

21.—KUMNO KI JINGPANG KI SAPHRIANG BAD KUMNO BAN IA DA NA KI

Ka jingpang ka saphriang na kiei kiei kiba mih na u nongpang. Kine ki bit sha kiwei pat :—

(i) **da kaba ia khleh bad u nongpang** — kum u 'ñiangthylliew, khaid bad kiwei kiwei;

(ii) da kaba ring mynsiem ia ka lyer kaba don ki khñiang jingpang — kum ka diptheria;

(iii) da kaba ring mynsiem ia ka jynháv kaba don ki symboh um kiba rit kaba mih na ka shyntur ne khmut u nongpang ia kaba la pynsaphriang ha ka lyer haba kren, jyrhoh, synriah — kum ka consumption;

(iv) lyngba ka um, jingbám bad ka dud— kum ka iapthem (*cholera*), typhoid;

(v) lyngba ki mrád --- kum ka khieshoh rih, iapkhlam;

(vi) lyngba ki briew kiba kit ia ki jingpang ha ki hi khlem da pyni dak eiei ba ki pang na kita ki jingpang hynrei ki lah ban pynbit ia kiwei na kiei kiei kiba mih shabar na ka met jong ki kum ki doctor, ki nurse, kiba shongskul doctor.

(vii) lyngba ki mrád kiba kit ia ki khñiang jingpang ha ki thapniang bad ki kjat jong ki— kum u 'kaiñ-ing.

Kumno ban ia da ia ka jingsaphriang ki jingpang iabit — Haba kren kyllum ka kam kaba nyngkong ba ngi dei ban leh ban ia da ia ka jingsaphriang ki jingpang ka long ban leit pyntip sha ki briew sorkar kiba dei khmih ia ka jingkoit jingkhiah u paidbah, kum u Health Officer, Sanitary Inspector, Civil Surgeon. Ha nongkyndong dei ban pyntip ha ki Syiem, Sordar ne Rangbah shnong ki ban sa pyntip ia kata sha ki Sorkar.

Pyngkyrpang ia u nongpang da kaba buh ia u ha ka kamra thiah pang ne leit buh sha hospital.

Īa ki katto katne ki jait jingpang kum u 'ñiangthylliew, 'ñiangkhar, ĩapkhlam, dei ban buh pūd ĩa kino kino kiba ĩa khleh bad u nongpang ban ym ĩa khleh bad kiwei pat.

Dei ban phah tika ne inject.

Īa ka kamra thiah pang dei ban kynshait ne pyoh dawai pynĩap khñiang shuwa ba yn pyndonkam pat ĩa ka da kiba koit ba khiah. Īa ka jingthiah jingdem u nongpang dei ban sait da pyndonkam ĩa ki dawai pynĩap khñiang ne thád ha ka sngi. Īa ka jakhlia jakhlaid jong u dei ban thang ne tep.

U nongpang um dei ban ĩa khleh bad kiwei pat kat bym pat lait ĩa, kata haduh ba ka bih pynbit pang ĩa kiwei kam don shuh ha u.

22.—KA JINGPANG T.B. NE CONSUMPTION

Ka jingĭashong khapngiah ha ki ĩing, ka jingduna ki lynti lyer ba ka lyer kan rung kan mih na ki ĩing ba ngi shong, ka jingduna sngi, ka jingbymbiang bām, ki jait jingbām bym tei ĩa ka met, ka jingĭoh ĩa ki jingpang kiba ktah ĩa ki kor ki bor ring ne pynhiar mynsiem, kum u 'ñiangpysit, jyrhoh kru kru ha ka liang ki khynnah bad ka pneumonia ha ka liang ki rangbah ki long ki dāw kiba lah eh ban pynĭoh ĩa kane ka jingpang.

Ka đak ki shin kane ka jingpang—Ka jyrhoh sah snem, ka jyrhoh snám, ka jingring sdot ka met, ka khieshoh hadien shíteng sngi

bad janmiet, ka jingsyep ki lynghoh kti bad poh'jat ki long ki dak kane ka jingpang.

Ki khñiang kane ka jingpang ki mih na ka met u briew ryngkat bad ka kyrkhah. Haba ka kyrkhah ka la tyrkhong, ãa ki la kit da ka lyer. Ki lah ban im slem slem hapoh ka kyrkhah. ãa kane ka jingpang la pynsaphriang da kaba ring mynsiem ãa ka lyer kaba don ki khñiang kane ka jingpang ne da ka jingbiah phongrai ãa ki khñiang kane ka jingpang ha ka bãm ka dih da ki 'kaiñ-ïing.

Kiba ha ïing ha sem kiba ïoh ãa kane ka jingpang ki biah phongrai ha kiba rit da kaba doh. Ka jingtiakhleh ki khynnah para khynnah bad ka jingmlen ki khynnah ban kbum kat kaba ïoh hapoh shyntur haba ãalehkái ka lah ban pynïoh ãa kane ka jingpang.

Don ár bynta ha kaba ãa da na kane ka jingpang. Ka bynta kaba nyngkong ka ãa dei ãa kiei kiei ba ngi hi ngi dei ban phikir ban leh bad ka bynta kaba ár ka long kaba pynjari ãa kiei kiei ba u paid nongshongshnong u dei ban leh.

Kiei kiei kiba ngi hi ngi dei ban phikir ban leh — ãa u nongpang dei ban buh kyrpang ha ka kamra kaba kylluid, khuid, dei sngi bad ïoh lyer bha. U nongpang um dei ban biah katba lap. Hikai ãa u ban biah ha i khiew ne jingdiang ba la tap bha bad ba don um dawai pyniap khñiang. Um dei ban doh ãa ki khynnah. ãa ka kamra ba thiah u nongpang lem bad ki jingbuh jingsat ha ka, dei ban kynshait ne pyoh dawai pyniap

khñiang shuwa ban pyndonkam pat ìa ka. Ìa ki bym donkam eh thang noh bad ìa ki bym long sait thád ha ka sngi.

Kiei kiei kiba u paidbah nongshongshnong u dei ban leh — Pynbna paidbah ba kane ka jingpang ka long kaba lah ban ìa da bad pynkoit. Pynshlur ìa ki nongshongshnong ban pyntip sha ki briew sorkar kiba dei khmih ìa ka jingkoit jingkhiah u paidbah haba don ba pang bad leit buh ìa ki sha ki hospital ba la shna khnang ban sumar ìa kiba pang na kane ka jingpang. Hikai ìa ki briew ban shna ki ìing kiba ìoh lyer bad jingshai kaba biang. Ka jingbiah ne kyrkhah khlem akor kiba leit ba wan, ha ki rel ne motor dei ban khang da ka aifñ. Pynphriang ìa ki lád kumno ban ìa da na kane ka jingpang da ki kot lyngkdop.

23.—KA IAPTHEM

(*Cholera*)

Ki dak kane ka jingpang ki long ka prie, ka pynhiar da ka um kaba i kum ka um sait kháw. Ka por ba kane ka jingpang ka shait kem ka dei shiteng synñia. Nyngkong mih shuwa ka jingbám bym lah tylliat, ka met ka tyrkhong bad búđ sa ka tyrsaiñ ka kpoh bad ki kjat. Ka um pynjhieh ruh ka set.

Ìa kane ka jingpang la pynphriang lyngba ka um bad jingbám. Nyngkong eh, la pynphriang ha ka um ñih um bám, um sait um khlieng.

Ki wah ruh — khamtam sha ri thor — ki long ka lád ban pynphriang ía kane ka jingpang. Lada íapthem ha kano kano ka shnong kaba don harud wah, ka jingkhlemakor ki nongshongshnong ha kaba theh ía ka jakhlia jakhlaid u nongpang shapoh wah ka lah eh ban pynphriang ía kane ka jingpang sha kiwei pat ki shnong.

La pynphriang ruh ía kane ka jingpang lyngba ka dud bad ka jingbam. Ka dud ka íarap ba ki khñiang jingpang kin roi kin san. Ki jingbám ba die ha ki dukan ki bym don ki jingbuh kiba biang ban ía da na ka jingbiah phongrai ki skaiñ, ki lah eh ban pynphriang ía kane ka jingpang, kum ki dukan die jalbi, mithai bad kiwei.

Ka jingiakyrsun bad u nongpang khlem da sumar bha ía ka thet ka sait hadien ba la ktah ía u bad ía ki jaiñ ki nep jong u, ka lah eh ban pynñoh ía kane ka jingpang.

Ki lynti ki syngkien, kum ki lynti rel; lynti jhád bad surok motor ki long ki lád ban pynphriang ía kane ka jingpang. Lah ban don napdeng ki nongleit nongwan da ki rel, ki jhád ne motor kiba kit ía kane ka jingpang bad ki lah ban long ka dáu ka jingsaphriang ka jingpang sha ki jaka ba ki poi.

Kumno ban ía da na kane ka jingpang—

Haba don mano mano ba pang hapoh shnong ngi dei ban sumar ía lade da kaba kiar na kaba bám ía ki jingbám kiba pynshitom kpoh. Lada eh kpoh ne pynhiar kpoh, wád dawai shisyndon. Kiar na kaba dih dawai pynhiar kpoh. Ía ka

um dih um bām, um sait um khlieng pyndonkam tang da ka um kaba la shet pynthnam bha lane ba la wieh da u Potash Permanganate shuwa ban pyndonkam. Kiar na kaba dih lemonade ne um soda ba die ha iew. Shah sam dawai ia lade.

Nalor kaba phikir ban ia da shimet shimet na kaba ioh ia kane ka jingpang, donkam ruh ban leh ia kiei kiei ki ban long ka jingīada ia uba bún. Kita ki long:—

(a) Kaba wieh dawai pyniap khñiang ia ki pung ne kor um dih um bām bad ki nan.

(b) Leit buh ia u nongpang sha ki jaka sumar pang ba la pynkyrpang.

(k) Ia ka jakhlia jakhlaid u nongpang kum ka um pynjhieh, ka jingleit khyndew, ka prie, dei ban buh ha ki khiew ba la theh phenyle bad tep ia ka jngái na ki jaka ba ioh umdih umbám. Ne, kham bha ban khleh lang ia ka bad u ñiut ot kurat bad sa thang mar kumta. Wat ái lád ia ki skaiñ ban dem ha ka jakhlia u nongpang bad pyrshang pyniap lut ia ki.

(d) Ia ki jaiñ ki nep u nongpang shet ha ka um thnam lane wieh ha ka um ba la khleh dawai, kumba shi kynta ne. Thád ha ka sngi ia ki bym long sait.

(e) Ki nongsumar pang ki dei ban phikir ban shet bad sait ia la ki kti da ka um ba la khleh dawai pyniap khñiang.

(g) Theh phenyle ia ki nala shakiar iing bad ia ka paikhana.

(ng) Kynshait ne pyoh tдем dawai pyniap khñiang ia ka kamra ba thiah uba pang ynda u la koit ne iap.

(h) Baroh ha shnong dei ban shah sam dawai.

24.—KA SUHOT

(*Dysentery*)

Kane ka jingpang ka ktah ia ki snier. Ki khñiang jingpang ki don ha ki prúm ha ki snier. Ka kpoh ka suh bad ka kham jur haba leit khyndew. Haba ka jingpang ka la kham jur, ka snám bad kaba lam khleiñ ka mih ryngkat bad ka jingleit khyndew. Lah ban leit khyndew haduh 20-30 sien shi sngi ne tang 3-4 sien.

Ka jingkhlemakor jong kito kiba ioh ia kane ka jingpang khamtam ha nongkyndong ka long ka dáu ba kongsan kaba pynsaphriang ia kane ka jingpang. Ha nongkyndong ki leit rúd sha lum. Ynda slap ia ka jakhlia la kit sha ki wah bad sha ki pung um dih. Ha kane ka rukom la pynjakhlia ne pynsniew ia ka um bám um dih. Kaba lah eh ban pynsaphriang ia kane ka jingpang ka long da kaba dih ia ka um ba la pynsniew da ka jingleit khyndew kaba don kine ki khñiang jingpang.

Kumta ngi iohi ba ka lád kaba pynsaphriang ia kane ka jingpang ka long na ka jingleit khyndew u nongpang lyngba ki um bám um dih. Nalor nangta ki skaiñ kiba dem ha ka jingleit khyndew u nongpang ruh ki pynsaphriang ia

kane ka jingpang da kaba kit ia ki khñiang
jingpang sha ki jingbám jingdih.

Ban ia da ia ka jingsaphriang kane ka jingpanḡ
dei ban sumar bha ia ka jingleit khyndew
u nongpang. Buh ha ki khiew ba la tap bha
kiba don dawai pyniap khñiang bad thang ia ka.

Shet ia ka um bám um dih um sait um
khlieng. Kiba sumar ia u nongdang ki dei ban
thet bha shuwa ban bám. Ia ka kamra ba thiah
u nongpang kynshait ne pyoh tдем dawai ynda
u la koit ne iap.

U nongpang u dei bad sumar bha ia lade ia
ka rukom bám. Kino kino ki jingbám bym lah
tylliāt dei ban kiar hadien ba u nongpang u la
koit. Ki jait jhur ba don ksai ym dei ban bám.
Kiar na kaba bám soh, khamtam ki soh im ne
soh pyut. Bám da u kháw rim uba la shop bha.

25.—KA TYPHOID

Kane ka jingpang ka shait khie eh ha ki 'nái
shit. Kiba dang khie dang san ki shait ioh eh
ia ka. Kiba dih ba bám bad kiba shait bám doh
ki kham ioh ia ka.

Ki khñiang kane ka jingpang ki long na
kajuh ka iing bad ki khñiang ka jingpang
iapthem.

Kane ka jingpang ruh ka ktah ia ki snier.
Kumta ka um pynjhiē bad ka eit ki long ki
dāw kiba kongsan ban pynbit pang ia kiwei. La
kit ia ki khñiang kane ka jingpang da ka um. ...

Ban ĩa da ĩa lade na kaba ĩoh ĩa kane ka jingpang dei ban phikir ba ka kpoh kan lait bha. Pyndonkam da ka um kaba la shet na ka bynta ka um dih um bām bad ka um sait um khlieng. ĩa da ĩa ki jingbām baroh na ki skaiñ. Thet bha ĩa la ki kti da ka um khleh dawai hadien ba la sumar ĩa u nongpang.

Ban ĩa da pat na ka jingsaphriang kane ka jingpang leh ĩa kijuh kiei kiei ba la ong ban leh haba ĩapthem.

26.—KA ĩAPKHLAM

(*Plague*)

Kane ka jingpang haba ka khie, ka khie shisien khie ka da sār bún phew bún spah ki mynsiem lada ym lah ĩa da na ka. Kiba ĩoh ĩa kane ka jingpang bún ki ĩap.

Haba ĩoh ĩa kane ka jingpang at jalyngkhiang ka met, khamtam ha tohtit, ryndang bad shyrkait. Ka khieshoh ka jur bad syep de artat.

La pynphriang ĩa kane ka jingpang na ka khnái sha ka para khnái bad nangta sha u briew da ka jingdait u thyllah khnái uba kit ĩa ki khñiang kane ka jingpang ha u. Ka khnái kaba ĩoh ĩa kane ka jingpang ka ĩap bad boi ki thyllah ha ka met jong ka kiba da kjit ĩa ka snám ba kit khñiang jingpang. Kine ki thyllah ki leit dait sa ĩa kiwei ki khnái ban nang pynphriang shuh shuh ĩa ka jingpang. Haba u thyllah u dait, u eit bad u prie ha ka sniehdo, da ĩohsngew ba u leh

kumta. Kane ka pynkwah trud ia kata ka bynta bad lada don jingmong eiei ha ka sniehdoh, ki khñiang jingpang ki rung sha ka snám nangta.

Haba kane ka jingpang ka ktah ia ki tor, la pynphriang ia ka lyngba ka kyrkhah U briew u ioh pang da kaba ring mynsiem ia ka lyer kaba don ki khñiang jingpang.

Ban ia da ia ka jingsaphriang kane ka jingpang dei nyngkong eh ban pyniap lut ia ki khnái. Ia kane lah ban leh da kaba ái bih, riam da ki jingriam khnái ne ri da ka miaw.

Ki jaka buh kba buh kháw, ki thliew ki syar ha kyndong iing bad ki jaka theh ñiut ki long kiba ki khnái ki juh eh ban shong skum. Dei namarkata, ban shna paka ia ki thiar buh kba. Set bha ia ki thliew khnái bad pynkhuid barobor ia ki jaka theh ñiut

Ka khnái ka iap haba ka ioh pang khlam bad ki thyllah khnái ki boi ha ka met jong ka. Haba lap ia kano kano ka khnái iap dei ban thang shisyndon.

Nalor nangta dei ban shah sam dawai. Ki briew barobor ki ju phet iap na shnong haba don kum kane ka jingpang. Ym bit ban shah ia ki ban phet kumta khlem da shah sam dawai shuwa.

Ia ki jaiñ ki nep ki tiar ki tar ba pyndonkam u nongpang dei ban wieh dawai pyniap khñiang ne thád ha ka sngi. Ia ka jakhlia jong u nongpang dei ban thang.

Na ki iing ha kiba kane ka jingpang ka la ioh rung dei ban phet noh bad dei ban pynkhuid bha ia ki da kaba kynshait dawai khnang ban pyniap ia ki thyllah khnai kiba lah ban dang don hangta shuwa ban leit shong pat.

Ia kiba ia khleh bad u nongpang dei ban pynkyrpang ia ki na kiwei pat haduh ban da lait ia.

27.—KI JAIT KHIESHOH BA BTHEI PYRTHIEW HA KA SNIEH DOH

Ki don lai jait kum kine ki jingpang—u 'niangthylliew, u 'niangkhar bad u 'niangpyrsit.

U 'niangthylliew — U kham khie ha ka por shit ryngkhiang. Haba ioh 'niangthylliew ka jingshit ka jur, ktha ka met ka phad, king ka khlieh bad prie de. Haden kumba lai sngi ne ka jingshit ka jah bad sa pyrthiew ha ka shyllangmat bad shadem nangta sa ha ka khmat, ryndang, ka met ka phad bad khatduh eh ha ki kti ki kjat.

Kine ki pyrthiew ki syriem ia ka jingdait skaiñ ne pyrshen. Kine ki pyrshen ki pun ksuit hadien katto katne sngi bad ynda ki la tyrkhong ki sa long sarew bad ki hab. Ki pyrthiew ne pyrshen ki them na khlieh. Kane ka jingthem ka pynsohbruh ia u briew ynda u koit.

Ki khñiang jingpang ki mih na ka met lyngba ka jynhaw kaba mih haba kren, synriah bad pynhiar mynsiem bad na ki sarew prum kiba

háb haba ki la tyrkhong. Dei ha ka por ba háb sarew ba ka long kaba ma eh ban ía khleh bad u nongpang.

Ban ía da na kane ka jingpang dei ban pynkyrpang shisyndon ía u nongpang. Buh ía kito kiba ía khleh bad u nongpang ban ym ía khleh bad kiwei pat haduh ynda lait ía. Shah tika ía lade bad kiwei ruh ki dei ban tika. Haba uba íoh 'ñiangthylliew u íap dei ban sumar bha haba thang ne tep. Ía ka met íap dei ban spaiñ da ki jaiñ ba la wíeh dawai bad thang ne tep shisyndon ía ki nep ki tung, ki jaiñkup jaiñphong thád. ha ka sngi bún sngi ne wíeh ía ki ha ka um ba la khleh dawai. Ía ka íing bad ki jingbuh jingsat kiba ha ka, dei ban pyoh tдем dawai.

U 'ñiangkhar — Ki khúnlung bad khynnah ki kham íoh ía une. U kham sting shibún ban ía u 'ñiangthylliew. U páw kham bún ha ka met ka phád shadien, bad sha khmat; ha ki kti ki kjat um da bún. Haba dang sdang kem pang íoh jingshit, suhjér, sukhriat bad ktha ka met ka phád. Hadien katto katne sngi mih sa ki pyrthiew ne pyrshen pun ksuit kiba ynda la tyrkhong ki long sarew bad ki sa háb. Kine ki pyrshen kim them na khlieh kumba them ki pyrshen 'ñiangthylliew.

Ka rukom ba kane ka jingpang ka saphriang ka long ha kajuh ka rukom ba saphriang u 'ñiangthylliew. Yn ía da ía ka jingsaphriang u 'ñiangkhar ha kajuh ka rukom. Ka tika kam ía da eiei na kaba íoh 'ñiangkhar.

U 'ñiangpyrsit — Ki khynnah kiba hapoh san snem ki kham ïoh ïa kane ka jingpang bad ka jingïap .ka kham jur ha ki khynnah shynrang ban ïa ha ki khynnah kynthei bad ka kham jur ruh hapdeng ki khynnah kiba hapoh ár snem. Kiba kham bún kiba ïap dei na ki ïing kiba duk kiba shong khapngiah.

Haba dang shu sdang kem pang ïoh jingshit bad sukhriat, mih eitmut eitmat bad jyrhoh de artat. Ki khmat ki sáw bad haba jyrhoh u pdot u at u sieb.

Kumba sáw sngi ne, páw sa ki pyrshen kiba kumba dait skaiñ, nyngkong ha shyllangmat, khmat, ryndang bad sha ka met baroh kawei. Ka jingshit ka jur haba sdang mih pyrthiew. Kine ki pyrshen kim pun ksuit.

Kiba ïoh ïa kane ka jingpang ki ïap namar ba ka tháw sa kiwei pat ki jingpang ha bym lah sumar kum ka suhot, jyrhoh bad jingpangtor.

Haba kem pang dei ban leit wád doctor. Pynkyrpang ïa u nongpang haba sumar ïa u ha ïing. Ai ïa u shibún ki kynja jingdih kum ka umsoh, um barley. Lada uba pang u pisa ñiad um da ka um syaid ba khleh dawai. U nongpang um lah shah ïa ka jingshai; kham pyndum namarkata ïa ka kamra ba u thiah. Kynmáw haba sumar ïa uba pang ban wád ïa ka jingbthah u doctor.

28.—KA KHIESHOH RIH

(Malaria)

Ka malaria ka long ka jingpang kaba la don naduh hyndai, hynrei dang shen ba la shem kumno kane ka jingpang ka bit na u briew sha u briew. Ha ka snem 1880, uwei u scientist uba na France u la lah ban pyni ba ki khñiang jingpang ki don ha ka snám uba ñoh malaria. Hadien pat, ha ka snem 1894, u Sir Patrick Manson bad u Sir Ronald Ross ki lah ban pyni ba kijuh ki khñiang jingpang kiba don ha uba pang malaria ki don ruh ha ka snám ki jait pyrjong kiba ki khot anopheles. U pyrjong shynrang um lah ban pynmih khieshoh haba u dait. Dei tang ka pyrjong kynthei kaba lah ban pynmih jingpang. Kumta u briew u ñoh pang malaria da ka jingdait u pyrjong uba kit khñiang jingpang malaria.

Haba kem pang malaria u briew u suhjér bad u khynñiuh; hynrei haba twád pat u don jingshit palat ía kaba u dei ban don. Kane ka neh hapteng shi powa kynta haduh ár kynta.

Ynda sangeh ka khynñiuh, ktha ka met ka phád, ki kti ki kjat. Ka jingshit ka nang kiew bad king ka khlieh. Kane ka neh hapteng láí bad sáw kynta.

Nangta pat, mih syep — teng teng kumba theh na ka ktang bad ka jingshit ka hiar. Kane ka neh hapteng shi kynta bad ár kynta.

Ha kitei ki láí kyrdan ka páw ka jingtrei ka malaria haba ka kem ía u briew. Ka khieshoh ka lah ban khie man ka sngi lane púd sngi.

U pyrjong haba u dait ía uba pang malaria u kjit ía ka snám ba don khñiang malaria bad ynda leit dait ía u briew uba koit u sam kumba sam dawai ía kata ka snám ha ka snám u briew. Ki khñiang jingpang ki rung ha ki ksah snám kiba sáv (*red blood corpuscles*) kiba pér ha ka snám bad ki im bad kharoi hangta wat la ki ksah snám kiba lieh (*white blood corpuscles*) ki pyrshang ban pynduh ía ki. Katba ki nang bún ki khñiang malaria, ki ksah snám kiba sáv ruh ki nang heh nang heh. Bad haba ym ngiam jaka shuh ki bthei bad kane ka jingbthei ka pynmih khieshoh.

Ka dawai kaba ía dei eh ía kane ka jingpang ka dei ka *quinine*. Ka *quinine* ka long ka dawai ba la shem la slem na ka bynta ka khieshoh rih. La dang shem shuh shuh mynta sa kiwei pat ki dawai kum u paludrine, mepacrine bad quinoquin. Dih ía ki kat kum ka jingbthah u doctor.

Ban ía da na kane ka jingpang ngi dei ban kynmáw ba dei u 'kain pyrjong uba kit bad biah phongrai ía kane ka jingpang.

1. Nyngkong eh ngi dei ban íaleh thma bad u ban pynduh jait ía u:—

(a) *Da kaba pynduh ía ki jaka ba u íoh lád ban kha pylleng* — U 'kaiñ pyrjong u juh ban kha

pylleng ha ki jaka ba lang um bad hapoh ki ñuit ki phlang kiba don hapoh um. Weng namarkata ïa ki tin jot bad bilor pait kiba lah ban lang um haba slap. Pom ïa ki khláw ba shajan ïing namar kane ka ïarap ban pynrkhiang ïa ki jaka ba shong sngem. Ki nalá um ki dei ban long kiba la shna bha bad kiba tuid um shar shar. Pyndap ïa ki thliew ki syar kiba lah ban lang um. ïa ki pipa ne tub buh um dei ban tap bha. ïa ki ñiut ki ñier, ki phlang ki kynbat kiba long ha ki pung bad ki nan dei ban pynkhuid barobor. ïa ki nan ne pung theh da ka umphniang sharak. Ka lyngied umphniang sharak ka pér ha sla um bad ka pyniáp ïa ki 'kaiñ pyrjong haba ki dang long pylleng, ksaiñ ne 'ñianglong. Ban theh umphniang sharak ha ki pung um dih kam long kaba bit namar yn ym lah pyndonkam shuh ïa kata ka um. Namarkata lah ban wieh da u Paris Green. U Paris Green u dei u dawai bih. ïa ka um ba la wieh da u lah ban pyndonkam tang ha kaba sait ba khlieng. Ri dohkha ha ki nan kum ki kha koi, kha elisa. Ki dohkha ki bám lut ïa ki pylleng, ksaiñ bad 'ñianglong. Ki jakoid ruh ki bám ïa ki.

(b) *Da kaba pyniáp ïa ki 'kaiñ pyrjong*— ïa kane lah ban leh da kaba shu tháb da ka kti, kynshait dawai, pyoh tдем dawai bad pom ïa ki khláw.

2. ïa da ïa lade na kaba shah dait skaiñ. U skaiñ u rieh mynsngi mynsngi ha ki kyndong ïing bad jaka kiba dum bad u mih pat mynmiet

mynmiet. U pynshitom shibún ha ka por miet. Kyllán dawai ía ki kti ki kjat bad thiah barobor hapoh ka musari ka bym lait shuh u skaiñ ban rung. Khmih íoh don skaiñ ba la íoh rung lypa hapoh musari shuwa ban thiah.

Don kiba shna ía la ki iing ki da kér járnar ía ki jingkháng, jingkháng íit bad ía ki thliw lait lyer baroh ban ía da ba un ym íoh rung u skaiñ. Ka long kaba bha lada lah.

3. Dih dawai ne shah inject.

4 Íaleh ban pynbha ía ka jingkhuid ka shnong.

5. Pom ía ki khláw ki btap kiba sha rúdnong, bad ía ki siej ki shken kiba hapoh shnong. Ki long ki jaka shong jaka sah skaiñ.

29.—KI JINGPANG HA KA SNIEH DOH

U 'ñiangdait, u 'ñiangdkhiat — Kine ki long ki jingpang íabit ba la pynmih da u khñiang uba shong ha ka sniehdoh. Lah ban íohi ía u da ki khmat. Dei ka khñiang kynthei kaba tháw jingpang. Ka khlong thliw ha ka sniehdoh bad ka kha pylleng artat hangta. Ita i bynta ka snieh doh ha íba ka kha pylleng i phlér bad dait. Ka jingdait ka pynbuid kti ban trúd bad ha kane ka rukom u búr sha kiwei pat ki bynta jong ka met. Ki bynta ka met ba u 'ñiangdait ne dkhiat u mih ki long ha tyngkhap ki shympriah kti, ki pung kti, tymbuit, tohtit, sohjymbuin, sharum kpoh,

jaka leit pynjhieh bad shaphang jingshong. Um ju kham mih sha khmat.

U kháid — Kane ruh ka long kawei pat ka jingpang ba mih ha ka sniehdoh. Ka jaka ba u mih ka dei eh ha ryndang. Īa u kháid uba jur ki ju ong u kháid hati, namar haba ĩoh ĩa une u jait kháid ka sniehdoh ka long syriem ĩa ka snieh hati. Lah ban ĩoh ĩa une na ka um ne na ka syrti khi.

Ka prúm — Haba don kano kano ka jingmong ha ka sniehdoh bad haba ym sumar bha lah ban tháw prúm. Khamtam kito kiba lynga-doh tang shu la mong, la prum. Ym tang katta, ka bsiat pat sa sha kiwei kiwei ki bynta met.

Ka jaka ba long prúm ka pun ksuid bad ka long sarew syriem kum ki snep ka dohkha.

Nalor kitei kiba la ong haneng u **tohjáw'pyrshen**. ka **thung** ki long ki jingpang ha ka snieh doh.

30.—KI JINGPANG BA KHAM SHAIT ĪOH KI KHYNNAH

Nalor u 'ñiangpyrsit bad u 'ñiangkhar ba ngi la pule ha ki lynnong kiba sha khmat don ruh sa kiwei pat ki jingpang kiba shait kem ĩa ki khynnah kum ka diptheria, ka jyrhoh ksew (*whooping cough*) bad ka miang (*mumps*).

Ka diptheria — Kane ka jingpang ka kham kem ĩa ki khynnah kiba hapdeng ár haduh khatár snem. Ka por ba ka saññ ha ka met ka long naduh shisngi haduh phra sngi.

Haba kane ka jingpang ka kem, ioh jingshit, eitsim, pang u pdot haba nguid, jyrhoh bad sop da kaba lieh thup thup ia u dohdah bad ia ka bynta u pdot hajan jong u.

Ki khñiang jingpang ki mih na ka met u briew na ka khmat bad na shyntur. Kumta ka jingdoh jingdait bad ka jingring mynsiem ia ka jynhaw ba don ki symboh um ba don khñiang jingpang kaba mih haba jyrhoh, synriah ne kren, ka pynphriang ia kane ka jingpang. Ki tiar ba pyndonkam uba la kem pang, kum ka rumar, ki let, ki klat dih um ki lah ban pynphriang ia kane ka jingpang lada pyndonkam ia kijuh da kiwei. Ki nurse, ki doctor, kiba shong skul doctor, kiba ia sumar ia u nongpang bad wat u nongpang hi ha ka por ba la ñiew ia u uba koit, ki long kiba kit bad pynphriang ia ka jingpang.

Kane ka jingpang ka long kaba ia bit katta katta hynrei ngi lah ban ioh ia ka tang haba ngi ia khleh bad ia shong marjan bad u nongpang. Ki khñiang jingpang ki iap tat shu dei sngi dei lyer.

Ban ia da na kane ka jingpang dei ban pynkyrpang shisyndon ia u nongpang bad leit wád doctor kloi kloi nador kaba leh ia kiei kiei kiba dei ban leh ha kaba ia da na ki jingpang iabit. Kaba sam dawai ka long kaba donkam eh haba ioh ia kane ka jingpang bad baroh ki khynnah ha iing ki dei ban shah sam dawai.

Jyrhoh ksew (*whooping cough*) — Kane ruh ka long ka jingpang kaba shait kem eh ia ki khynnah. Haba ioh ia kane ka jingpang u

khynnah u jyrhoh kumba jyrhoh u ksew. Ka rukom ba kane ka jingpang ka saphriang ka long ha kajuh ka rukom kum ka diptheria. Kiei kiei kiba mih na ka khmut bad shyntur ki pynphriang ia kane ka jingpang. Ki khynnah ki kloï eh ban iabit. Dei ban sumar bha ia u nongpang wat haba u i kumba u la koit. Ki jingbám kiba tei, dei ban ái ban khang na kaba ioh ia kiwei pat ki jingpang.

Ka miang (*mumps*) — Kane ka jingpang ka shait kem ia ki khynnah, la kiba la san ruh ki lah ban ioh ia ka. Haba kane ka jingpang ka kem, ioh jingshit, mih ummut ummat bad pang haba nguid namar rum shkor. Ki dohjem ba pynmih umbiah namar rum shkor ki at ki sieb bad dei namarkata ba ki khot atmiang ia kane jingpang. Kane ka jingpang ka saphriang kumba saphriang ka jyrhoh ksew ne diptheria.

31.—KI BNIAT, KI KHMAT, KI SHKOR, U SHÑIUH BAD TYRSIM

Ki bniat — Ki bniat ki long ki atiar ba nyingkong ban iarap ha kaba tylliat ia ka jingbám. Haba ki bniat ki bha ngi lah ban ktha bha ia ka jingbám. Ka jingbysumar ia ki bniat ka pynmih jingpang bniat. Ki dohbniat ki pun ksuit bad ki bniat ki sei. Ym lah ktha ia ka jingbám kumba dei ban ktha. Haba nguid ia ka ksuit dohbniat ka tháw jingpang ha ka 'nierbah. Don pat ba ki bniat ki shu bám khñiang shapoh. Kane ruh ka pynshitom shibún. Shisien ba la

ioh pang bniat la donkam haduh ban da sei lut
 ia ki ban thung da kiwei. Kaba háb buh da ki
 'niat shu thung kam iarap satia ha ka kam
 tylliat ia ka jingbam. Ngí dei, namarkata, ban
 long kiba phikir ha kaba pynkhuid tista ia ki
 man ka step bad hadien ba la bām, ba ki lykhit
 jingbām kin ym ioh sah ha ki tyngkhap bniat.
 Haba ki sah, ki pyut bad tháw jingpang.

Ki khmat—Bún bún mynta kiba ioh pang
 khmat. Ka jingshong ha ki iing kiba jur tдем,
 ka jingshit ka sngi, u pui pui, ka jingbymbiang
 ka bām, kaba ioh ia ki jingpang kum u
 'ñiangthylliew bad kiwei ka lah ban pynmih
 jingpang khmat. Hapdeng ki khynnah skul, ka
 jingpule kot than bad ka jingpule ha ka jingshai ka
 bym biang ka pynpang ia ki khmat. Don pat kiba
 kwah ban deng iit khmat haba ym donkam ban
 deng bad haba ki leh kumta ki pynsniew pynban
 ia la ki khmat. Ngí dei ban sumar ia la ki
 khmat da kaba sait barobor da ka um sngur
 kaba khuid bad bām ia ki jingbam kiba tei ia ka
 met. Ki khynnah skul ki dei ban sumar ban
 pule ha ka jingshai kaba biang bad ban
 pynshongthait ia la ki khmat.

Ki shkor — U pui pui u rung hapoh ki shkor.
 Pynkhuid ia ki na shabár bad na shapoh. Ban
 khlóng eitkor da ki kynja nar kynja dieng ka
 long kaba mynsáw. Lada jia ba leit rung u
 khñiang ne kano kano ka jakhlia shapoh shkor
 shu pynjáv da ka umphniang ne glycerine bad
 haba kam jem leit beit sha u doctor.

U shñiuh — U shñiuh u long uba ngi dei ban sumar bha. Ka jingbysumar ïa u ka ái lád ïa ki ksi ban boi. Kaba sum ba sait ïa u barobor ka pynduh ïa ki ksi bad kaba sád ba khyllong ka pynitynnat ïa u briew.

Ki tyrsim — Ki tyrsim kiba jrong ki ái lád ïa ki jakhlia ban sah ha tyngkhap jong ki. Ryngkat bad kine ki jakhlia ki khñiang jingpang ki lah ban don. Haba ngi bám jingbám da kiba kum kine ki kti ngi lah ban kem pang na ki khñiang jingpang kiba rung shapoh ka met bad ki jakhlia kiba don hapoh ki tyrsim kti. Dei ban ot lyngkot ïa ki la kumno kumno shisien ne ár sien shi taiew bad sait bha ïa ki shuwa ban bám.

32.—KA JINGKOIT JINGKHHIAH BAD KIEI KIEI KIBA KER SAWDONG (*Health and environment*)

Ha ka Kitáb kaba Ár, ngi la pule shaphang ki aifñ ka jingkoit jingkhiah; hynrei ngi dei ban kynmáw ruh, ba kiei kiei kiba kér sáwdong ha kaba u briew u shong ki ktah shibún ïa ka jingkoit jingkhiah jong u. Kita kiba kér sáwdong ïa u briew ki long ka lyer, ka jingshai, ka sngi, ka um, ka jingbám, ka khyndew bad ka ïingshong.

Ka lyer kaba khuid ka long kaba donkam eh ïa ka jingkoit jingkhiah. Ki briew kiba shong ha ki jaka kiba khapngiah ne ha ki ïing kiba khapngiah ki bym don jaka ba biang ba ka lyer khuid kan ïoh rung ïoh mih ka jingkoit jingkhiah jong ki ka nurom. Ki briew kiba trei ha ki

karkhana ha kiba ïa ka lyer la pynjyrsieh da ki pui pui kiba mih na kito ki jait jingtrei ki lah ban ïoh bún rukom ki jingpang.

Ka jingshai bad ka sngi ki don ha ki ka bor ban pynkhuid bad pynïap ïa ki khñiang jingpang. Ki kjat sngi ki pynkhuid ïa ka lyer bad ïa ka um ha ki nan bad ki pung bad ki iarap ban pynpyngngad ïa ka jingmut jingpyrkhat. Hadien ba la slap bún sngi, ka step nyngkong ba ngi ïoh pat ïa ka sngi ka ái jingkmén ïa ka mynsiem.

Ka um ka long kawei na kiei kiei kiba u briew u donkam ha ka jingim. Ngi ïoh um na u slap, na ki wah kiba tuid ha sla ka khyndew na ki pung, ki nan bad ki umpohliew. Ngim dei ban shu pyndonkam kulmar ïa kano kano ka um ba ngi lap namar ka lah ban long ba ïa ka la pynsniew da ki khñiang jingpang. Ngi lah ban kem pang haba dih ïa kata ka um. Kaba bha tam eh ban leh ïa ka um dih um bám bad um sait um khlieng ka long ban shet pynthnam ïa ka bad sa pynkhriat ha ki khiew kiba khuid bad ba la tap bha shuwa ban pyndonkam ïa ka.

Ka jingbám ba ngi bám ka dei ban long kaba tei, moromot bad kaba ái jingshit ïa ka met. Ngi dei ban nang ban jied ïa ki jait jingbám kiba ngin bám. Hynrei lada ki jaka ba ngi shong ki long kiba ngim lah ban ïoh mon ban jied ïa ki jingbám ka jingduna bám ka ktah ïa ka jingkoit jingkhiah.

Ki jaka kiba shong sngem, ki jaka ktieh bad yrsieh kim long kiba koit ba khiah. Ka lyer

kaba beh na kiba kum kine ki jaka ka long kaba sngem bad ban shong kum ha kita ki jaka lah ban ioh pangmat ne kiwei kiwei pat ki jingpang.

Ki jaka ba la pyndap da ki synrum ka shnong kim long kiba koit ba khiah. Sha ri thor ia ki nan la pyndap ha kane ka rukom bad ki sa shna iing halor jong ki. Ki iing ba ki shna ha kiba kum kine ki nongrim kim long kiba koit ba khiah. Lada dei ban pyndap khyndew dei ban pyndap da ka 'dewmet 'dewbyrtha ym dei da ki synrum synreh.

Ki jaka kiba rkhiang, kiba dei sngi, kiba kynjang ki long kiba koit ba khiah.

Ia ki iing shong ruh dei ban shna ha kata ka rukom ba kin long kiba iarap ban pynioh ia ka jingkoit jingkhiah; da jied ruh ia ka nongrim kaba bha.

33. —KABA PYNIAP KHŨIANG JINGPANG (*Dinsiffection*)

Ha ki lynnong shaphang ki jingpang iabit ngi la ong ba kawei na ki lád ban ia da ia ka jingsaphriang ki jingpang ka long da kaba pyniap ia ki khŭiang jingpang. Ngi lah ban leh ia kane ha ki katto katne ki rukom.

Ka sngi ka long kawei na ki lád ba pyniap ia ki khŭiang jingpang. Kaba thád ia ki jaiñ ki nep, ki tum ki tam ha ka sngi ka pyniap ia ki khŭiang jingpang tang hapdeng khyndiat kynta.

Ka lyer khuid ruh ka pynlap ia ki khñiang jingpang da ka oxygen kaba don ha ka, la ka jingtrei jong ka long kaba suki.

İa ki tiar ki tar ki bym donkam shuh bad ki bym don dor lah ban shu thang beit ha ka ding. Kane ka pynlap khoit ia ki khñiang jingpang kiba bit ha ki.

Synaw da ka lyer khluit ia ki jain ki nep ne ia ka kamra thiah nongpang. Kane ka rukom ka long kaba luksan bad kim ju kham pyndonkam.

Phon ha ka um thnam ia ki tiar ki tar ba bit khñiang jingpang. Ki khñiang jingpang typhoid ki iap haba phon ha ka um thnam kumba 10 minit. İa ki khñiang jingpang T. B. pat donkam ban phon kham slem shuh. Ki khñiang jingpang cholera ki iap lada phon tang kumba san minit ne.

Kaba phon ha ka um thnam ka lah ban pynsniew pynjot ia ki katto katne ki jait jaiñ. Namarkata lah ban shu pdem ia ki ha ka um kaba la khleh dawai pynlap khñiang. Ki katto katne ki dawai pynlap khñiang ba ngi la lah ban pyndonkam ki long ka Phenyle, ka Carbolic Acid Lysol, Electrolytic Chlorine (E. C.) Dettol, Potassium Permanganate, D. T. T. bad kiwei kiwei.

İa ka jingleit khyndew, um pynjhieh, kyrkhah ne prie, pdem ia ka ha ka um ba la khleh dawai sa tep ne thang ia ki. Lah ruh ban shu khleh ia ki bad u fiut ot kurat bad sa thang shisyndon.

Īa ki nala bad ki paikhana synreit da ka um phenyle ne bér da ka shun.

Ban pynkhuid ĩa ki kamra thiah nongpang lah ban kynshait da ki dawai kiba kylla jynháw um haba kynshait. Hynrei kaba kham bha ka long ban shu pyoh da ka tдем dawai. Īa kane lah ban leh ha kane ka rukom. Pynsgem ĩa ka kamra da kaba synreit um ĩa ka madan, ki biar bad ka sád. Khang khyrdep ĩa ki jingkhang bah bad jingkhangiit da set ĩa ki snúr jingkhang ne kino kino ki thliew kiba ka tдем ka lah ban mih shabar. Thang da u kyndok (sulphur) hapoh kamra da kaba buh ha ka pliang kaba la buh halor ka dabor heh kaba don um. Ieh ĩa ka haduh shisngi. Ynda la plie ĩa ki jingkhang baroh ieh pat sa shisngi shuwa ban sait ĩa ka.

Jingkylli — Īathuh ĩa ki katto katne ki rukom pynĭap khñiang. Kiei ki dawai pynĭap khñiang ba lah ban pyndonkam.

34.—KA JINGTREI BAD KA JINGSHONG THAIT

(Work and rest)

Don ka jingong ba kaba leh palat ĩa kano kano ka kam ka long kaba sniew. Lada ĩa ka kor la shu pyntrei khlem sangeh kan poi ka por ba kan sniew kynsan bad yn ym lah shuh ban maromot ĩa ka. Ha kawei pat ka liang, lada shu iehnoh khlem pyntrei ĩa ka, ka sarang noh. Ha kajuh ka rukom ruh ka long ĩa ka met u briew.

Haba shu ong kyllum lah ban pyniabynta ia ki rukom jait jingtrei ha ki ár bynta. Kaba nyingkong ka jingtrei kaba da ki kti ki kjat bad ka met ka phád (*Physical Work*). Kaba ár pat ka long ka jingtrei kaba da ka jabieng (*Mental Work*). Ki kam ba ngi trei da ki kti ki kjat ki long kum ha kaba ñaleh football, hockey, mareh race, puh kpér, pom dieng, leh gymnastic bad kiwei kiwei. Ha kane ka bynta ki dohksah ki long ki nongtrei kam. Kaba pyntrei kam pat ia ka jabieng ka long kum ha kaba pule kot bad kiwei kiwei. Haba pyntrei kam ia ki' dohksah ha ka rukom kaba dei, ki ksah ki heh bad ki khlaifi bha. Hynrei lada iai pyntrei ia ki khlem sangeh ki kylla tlot bad thait noh. Ha kajuh ka rukom ruh lada pyntrei than ia ka jabieng, ka tlot bad ka lah ban bakla noh ruh artat.

Ka jingshongthait ka met ne ka jabieng namarkata, ka long kaba donkam shibún, namar kane ka áí lád ia ka met ba kan maromot ne pyndap ia ki kor ki bor kiba la sator bad duna da ka jingpyntrei than ia ki. Ia ka jingshongthait ngi ioh da kaba ngi thiah. Haba ngi ioh thiah ki dkhot met kiba trei kam haba ngi ñaid ngi ieng kim trei shuh. Don kiwei pat ki dkhot met kiba trei la ka kam khlem sangeh. Lada kine kim trei kumta, ka mut ka jinglap ia ngi. Phin shem ba ia u briew uba pang jur u doctor um shah ia u ba un ñaid un ieng; hynrei u phah thiah ia u. Da kaba thiah ne pynshongthait ia la ka met ngi lah ban ioh pat ia la ka jingkoit. Ngí iohi namarkata ba ka jingshongthait ka long ka bynta kaba donkam eh ha ka jingim ka jong u briew.

Ka jingdonkam ía ka jingíohthiah ka long bad ía pher kat kum ki rta. Ki khúnlung ki dei ban thiah 16 kynta shisngi, kiba ár snem ki donkam 14 kynta shisngi, kiba sáw snem ki donkam 12 kynta shisngi, kiba hynriew haduh phra snem 11 kynta shisngi, khatár haduh khatsáw snem 19 kynta shisngi, khathynriew haduh árpheuw snem 9 kynta, kiba árpheuw wei snem shaneng ne kiba la san ki donkam 8 kynta shisngi. Ki tymmen ki kro ki donkam kham bún kynta ka jingíohthiah, la kumno kumno 10 kynta shisngi.

Ka long ka jingmlien kaba sniew shibún ban thiah tang shu lah báw ja. Kumjuh ruh ka long kaba sniew ban tap-op ía lade da ka jain ne ka nep haba thiah. Da kaba leh kumne ngi ring bad pynhiar mynsiem ía kajuh-pa-kajuh ka lyer khlem da íoh lyer khuid satia. Ki jaiñ ki nep ba la phong mynsngi ruh dei ban loit noh bad thád lyer ía ki. Dei ban phong da kiwei pat ki jain haba thiah. Ka kamra ba ngi thiah ka dei ban long kaba syaid, jar jar bad íoh lyer bha. Ha ka por shuwa ban thiah ym dei ban pule ía ki kot ba pynthait jabieng kum ki kot pule ha skul, hynrei lah ban shu pule byrngia ne peit dur kái da ki kot pynbyrngia. Kane ka ái lád ía ka jabieng ba kan shongthait.

Ka jingthiah lang ár ngut ne láí ngut ha kawei ka jingthiah ka long ka bym bha. Ía ki khúnlung lei lei dei ban pynthiah kyrpang. Búnsien ki khunlung ki shu íap ei da kaba kum ban ki kmie ki kpa ne da kiba la san la rangbah.

Ki jaiñ ki nep ba ngi kup thiah ki dei ban long kiba khuid, kiba syaid bad kiba sting. Ki tusok rui kiba jem kim long kiba bha ia kiba dang khie dang san ba kin thiah,

Ka jingiapli jingtrei ka long hi ka jingshong thait. Don kiba tharai ba ha ki por examine dei ban shu khreh kot lynter. Ka jabieng kan trei kam bha lada keiñ noh ka pule haba thait bad leit ialehkái ne iaidkái noh. Kumta haba ka jabieng ka la thait ne btai ban trei ia kajuh ka kam, trei pli noh da kawei pat ka kam.

35.—KI IING KI SEM

Ha nongkyndong ki iing kiba ki tháw ki long kiba ki khot ki iing khasi. Ka rukom shna ia ki ka long ka bymkoit bymkhiah. Ki long kiba dum, bym ioh lyer, kiba tдем bad kiba la set lang ha ki ia ki jingri jingdúb.

Katba nangshai ka pyrthei ki briew ki la shna da ki iing sáwdong. Ha sor ki iing baroh ki dei ki iing sáwdong bad mynta lei lei la don kiba shna da ki iing paki dulan tang da ka dewbilat suda. Ki iing sáwdong ki la don riang riang wat sha nongkyndong.

Khnanng ba ki iing-shong iing-sah kin long kiba koit ba khiah ngi dei ban nang ban jied ia ka nongrim iing bad nang ruh ia ka rukom ban shna ia ki.

Ka nongrim—Ka nongrim iing kaba koit ba khiah ka long kaba rkhiang, kaba dei sngi, kaba pyngngád bad kaba itynnat. Ki jaka ktieh bad

jyrsieh ki long kiba sngem. Ka lyer kaba beh na ki namarkata ka long kaba sngem. Ki iing ba shna ha kiba kum kine ki nongrim ki lah ban pynoh pangmat ne kiwei kiwei pat ki jingpang.

Lada lah, shna ia ki ha ki jaka ba kynjang bad ba dei sngi bha. Ki jaka ba kham padun bad ba shong mawsiang ki long ki nongrim iing kiba bha. Ki khyndew shong mawria ne maw'yiap ki long kiba rkhiang bad namar kata kine ruh ki long ki nongrim kiba bha. Ka um slap kaba tuid na sla ne napoh khyndew ka tuid bad ngam jylliew shapoh khyndew. Kiar na ki khyndew kiba long 'dewbyrtha namar ka um kam lah ban sam lyngba da kaba suk.

Sha ri thor ia ki nan ki bym pyndonkam shuh la tep da ka synrum synrah ka shnong bad ynda la dap ki sa shna iing halor hangta. Ki iing kiba ki shna ha kiba kum kita ki nongrim kim long kiba koit ba khiah. Ka lyer kaba la ia mih napoh ka 'dew tep ka long ka lyer kaba la ia khleh bad ka pyut synrum ba la tep hangta. Kaba kum kane ka lyer ka lah ban ktah ia ka jingkoit jingkhiah.

Ka rukom shna—Ki iing sawdong kiba don ki jingkhangiit kiba biang ha man la ki kamra bad kiba ka jingjrong ki kynroh jong ki kam duna ia ka 9 phut bad ka shawrod pat hapdeng 3 bad 4 phut ki long kiba koit ba khiah. Lah ban shna atoskhana ha man la ki kamra khnang ba lah ban pynsyaid ia ki, lada donkam.

Ka rud ka kiar ka dei ban long kaba khuid. Ki nur um ki dei ban long kiba la shna bha baroh sawdong ka iing ba ka um kan tuid shar shar.

Lada donkam ban shna paikhana hapoh kper dei ban shna kham pajih na ka iingshong. Ia ka nongrim ka paikhana dei ban siang skhem bad sa astor dewbilat ba ka um jakhlia kan ym lah ban sam shapoh khyndew hynrei kantuid ha ki nala sha ki nala rud surok. Ka shawrod kam dei ban duna ar phut shiteng ka kynjang bad ka jingheh saw phut sawdong. Dung dewbilat bha ia ka madan paikhana kaba halor bad da astor dewbilat. Ia ka jaka buh tin bad ki rud ka shawrod baroh sawdong, astor da ka dewbilat ban khuid ban suba haba sait ia ka. Da ker da sop bha ba kan ym jaw.

Thung dieng katto katne ha kynton kper ne phyllaw. Ka pynitynnat ia ka iing bad ka pynpynggad.

Ia ki jingri jingdub dei ban shna da ka sem kaba kyrpang kham pajih na ka iingshong.

Ym dei ban ia shong khapngiah. Kaba shong khapngiah ka pynmih shibun ki jingpang.

Ia ka phyllaw ka mynshem, ka rud ka kiar. ka kper ka phrah pynkhuid barobor bad ia ka synrum synreh theh ha ka 'liewsboh ba la tih khnang bad sa thang.

36—KA HOK JIED MEMBER (Franchise)

Ngi baroh ngi la ju iohsngew shaphang ka election. Ka jingmut ka ktien election ka mut ka jingjied — ka jingjied ia ki nongmihkhmat sha

ki Durbár Hima né Durbár Tháw Aíñ, District Council ne Municipal Board.

Ka jingkylli ka wan — hato, balei ngi donkam ban da ia jied nongmihkhmat. Lehse baroh ngi ju iohsngew ia ka jingong ba ka jingsynshar laitluid (democracy) ka long “ka jingsynshar da u paidbah, ia u paidbah bad na ka bynta u paidbah.” Shisyndon ngi iohi ba u paidbah baroh um lah ban long ha kajuh ka por u nongsynshar bad uba shah synshar. Donkam namarkata, ba ngin jied ia ki katto katne ki nongmihkhmat napdeng u paidbah hi ha kiba ngin pynkhamti ia ka bor synshar hima sima.

Ha kaba jied ia kine ki nongmihkhmat u paidbah baroh u don la ka mon ka mon, pynban ym baroh u paidbah uba ioh ia ka hok ban jied. Balei? Ka kam jied member ka long kaba don ha ka, ka jingkitkhlieh kaba khráw. U nongjied u dei ban long uba sngewthuh ba u jied ia u briew uba bit ban long u nongsynshar-lem ia u khún u hajár. Ka jingbha bad ka jingsniew ka Sorkár ka shong tynrai eh ha kiba kumno ki nongmihkhmat ngi phah sha ki Durbár Hima ne Durbár Tháw aíñ.

Dei namar kane ka daw ba kim juh ái ia kane ka hok ha ki khynnah khúnlung ki bym pat lah sngewthuh ia ki kam pyníaid pyrthei. Kumjuh ruh kim ju ái ha kiba bieit, ba duna ka khlieh ne ha ki nongtuh nongthiem kiba la háb phatok ne ha kito kiba kit ram sat.

Ki myndér ki bym pat ioh ia ka jinglongtrai-shnong jong ka ri ba ki don kim lah satia ban

ioh ia kane ka hok ban jied. Ha ki katto katne ki ri, ki kynthei kim lah satia ban ioh jied.

Ka hok ban jied member ka long ka nongkynti ba uno uno uba ioh ia ka u dei ban sngewsarong. Ha kajuh ka por ruh u dei ban pyndonkam ia ka ha ka rukom kaba stad. Bún ki briew kim ju salia satia ban leit *vote* ha ka por *election* — ki ong hana ba lut sngi. Pynban sha ki ri shai, ki briew kin da pep sngi khnang ban leit *vote*, namar ki sngewthuh ba ka jingbha jingsniew ka bor ban synshár ia ki ka shong ha ka jingnang jied jong ki ia ki nongmihkhamat.

Ha ri India jong ngi baroh kiba long ki traishnong jong ka ri kiba la palat árpheuw wei snem ka rta bad kynthei bad shynrang ki lah ban long kiba ioh ia ka hok jied member. Ba ki lah ban *vote* ha ka por *election* dei ban da pynrung ia ka kyrteng jong ki ha kata kaba ki khot ka *electoral roll*. Hynrei kumba la pyni haneng kito kiba don jingduna ne kiba leh kam sniew kam smeh bad kiba kit ram shi ryning, kim lah satia ban long nongjied.

37. — KI SENG-KHAÏ LANG (*Co-operative Societies*)

Kiba bún hi na ki paid ha kano kano ka jaitbynriew ki long ki 'riewpdeng ki bym da ioh da kot eh. Marwei marwei hi kin ym lah lehse ban seng la ka khaï kaba heh, kaba skhem bad kaba neh. Hynrei lada kin ia lang lang hapoh kawei ka jingpyniaid, ki lah ban seng ka khaï

kaba bha. Kiba kum kine ki seng ki don shibún eh ha ka ri India jong ngi. La khot kyrteng ruh ía ki ki seng-khai lang. Kine ki seng ki trei kam ha kine ki jingshisha harum: —

1. Ba ka jingiatylli lang kawei ka long ka bor. Ki nongkhaí ba rit bor marwei marwei ki pynlong ka seng kaba khlaíí bor haba ki ía tylli lang.
2. Ba uwei u member ka seng u ía ryngkat bad uwei pat bad u íoh kijuh ki hok.
3. Ba ka seng kan íarap ía uno uno u member uba lah ban shem shitom khlem da níew shiliang khmat.
4. Ba baroh ki member ka seng ki ithuh uwei ía uwei pat namar ki ía dei na kajuh ka dong ne shnong.
5. Ba ka seng ha ki jingtrei kam jong ka, dei ban kunai katba lah. Baroh ki member ki dei ban íarap mon sngewbha ha kaba pynbha ía ka seng.
6. Ba ka seng kan pyrshang ban pynkiew ía ka rukom im ki member jong ka bad ban áí ha ki ía ka jingsngewskhem mynsiem ía ki sngi kiba shadien.

Kiba kum kine ki seng ha ri India jong ngi ki bún eh ha ki nongrit bad kham bún na ki ki ía dei bad ki nongrep. Kine ki nongrep ki long ki member ka seng da kaba ki siew bai rung bad thied katto katne ki *share*.

Kine ki seng ki ju ái ram ái shah ía ki member nongrep jong ki kiba donkam peisa ban pynbha la ka jingrep. Ki ju thied ruh ía ki sboh kiba bha ne ki tiar kiba bha ha ka dor kaba bit bad sam ía ki nongrep. Ki nongrep pat ki lah ban siew dor ía ki suki suki. Nalor kata, ki ju lum lang ía ki jingmih baroh bad die ha dor kaba khambit ban íoh myntoi ki nongrep.

Ngim dei ban sngewthuh bakla ba tang ki nongrep ki lah ban pynlong kum kine ki seng. Ki don ruh kiwei pat ki seng-khaï lang kiba pyníaid ía kiwei kiwei pat ki már kum ka bám ka dih, ka kup ka sem ne ka tháw íing tháw sem.

Ka bai seng ba kine ki seng ki íoh na ki member jong ki ka long kaba rit eh, namar kumba ngi la ong mynshuwa, ki member jong ki kim long kiba íoh ba kot. Haba kumta nangno te kine ki seng ki íoh peisa ban ái ram ái shah? Ki seng ba la seng thikna ki íoh ía ka jingshaniah jong ka Sorkar bad ki Bank. Kumta kiba kum kine ki seng ki lah eh da kaba jem ban íoh peisa kyliang na ka Sorkar ne na ki Bank, ha ka dor sut kaba jem.

Ka jingthmu jong kiba kum kine ki seng baroh ka long ban ym shah ía ka jingíohnong ba kan leit tang sha ka pla jong uwei ne ár u 'riew-bha-khaï Ka jingíohnong baroh ka sah hi hapoh ka seng bad la pyniabynta ía ka hapdeng ki member jong ka. Kine, namarkata, ki nang lah shuh ban pyníar ía ka kam bad pynbha ía ka.

Na kaba ngi la pule ngi íohi ba kine kí seng ki long kiba itynnat shibún. Pynban ki

don la ki jong ki jingduna ha ki. Kine ki jingduna ki mih eh na ka jingbymiätrei lang ki para member kiba la pynlong ia ka seng. Ka lah ban .ong ba katto katne na ki kim siew thikna la ka ra m ba ki la shim. Kiwei pat kim siew dep ia ka dor ki tiar ba ki thied.

Kine ki jingduna ki don ha bún na ki seng ka ri Assam jong ngi. Hynrei ki jingduna ki ju don hi ha kano kano ka seng kaba thymmái. Lehse katba nangiaid ka por, ki briew kiba pyniaid ia ki, kin shem ki lád ban pyniaid ia ki ha ka rukom ba ki dei ban pyniaid.

*Jingkylli — Ka mut aiu Ki Seng-khaï lang?
Ha kino ki jingshisha kine ki seng ki trei kam?*

38.-KI KAMRAM KI NONGSHONGSHNONG.

Lada ngi shong ha sor ne ha kyndong ka long kaba dei ba ngin tip kaei ka long ka kamram jong ngi kum ki nongshongshnong.

Ha sor don ka bor synshar kaba peit ia ka jingkoit jingkhiah u paidbah, ka jingkhuid jingtngit ka shnong, ki lynti ki syngkien, ka um ka wah bad ka jingsuk u paidshongshnong. Ia kane ka bor synshár la pynkup ha ki nongmihkhmat ba la jied da ki nongsiew khajna hi. Hynrei lada kata ka bor synshár kam ioh ka jingiätrei lang bad ki nongshongshnong kan ym lah pynbit pynbiang na ka bynta ka jingsuk jingbha u paidbah. Ka bor synshár ka lah ban pynmih ki

aiñ bad ki rule; hynrei lada u paidshongshnong um kohnguh ym lah ban khmih lynti ban mih jingbha na ki aiñ ne rule ba la pynjari.

Ha ki nongkyndong ruh kan da bha shibún ban don ka bor synshar ba la pynkup ha ki katto katne ki nongmihkhmat ba la jied da ka shnong ban khmih ïa ka jingsuk jingbha u nongshongshnong.

Kawei na ki kamram ba uwei-pa-uwei na ki nongshongshnong — la ha sor ne kyndong naduh ki khynnah kiba la tip briew — u dei ban kynmáw ka long, ka jingpyndonkam ïa ka um dih um bám ha ka rukom kaba dei.

Ha sor ha kaba ïa ka um la wallam na ki jaka kiba jngai lyngba ki pipe ka long kaba eh ban pynbiang ïa ki jingdonkam ki nongshongshnong khamtam haba nang bún u briew bad khlem don kiwei pat ki thymmei ban wallam um. Ka long, namarkata kaba donkam ba ki nongshongshnong kin leh adkar ha kaba pyndonkam ïa ka um. Haba la dep pyndonkam ïa ka kor um, dei ban khang noh shisyndon ïa ka. Ym dei ban pynsyrywa ïa ka um da kaba shu ieh khlem khang ïa ka kor um. Ban pyllait lynter naduh ba ka mih haduh ban da duh ban tuid sha kpér ba thung jhur thung jhep katba kiwei pat thynrang khait khait tang ban dih ruh kim ïoh, ka long ka bym dei. Ngi dei ban long kiba pyrkhat lem ïa kiwei — ym tang ban bit la ka met. Haba lap ba don mano mano ba shu pyllait kái ïa ka kor um, shisyndon dei ban leit khang ïa ka. Kata kan

īarap īa ki dong ba duna um ban īoh um lem. Īa kiba saītjaīñ ha kor bad kiba pyllait īa ka um sha kpér dei ban ong īa ki ba kin ym leh kumta. Hikai la khún la kti ba kin long adkar ha kane. Ha ka por rang ryngkhiang haba ki um ki wah baroh ki la ryngat bad haba ka um na ki thymmei kiba mih lyrter snem ka la duna ngi dei ban kynmáw dngong kumno ban pyndonkam īa ka um. Kynmaw barobor kumno ki para shonglang sah lang ki īa bit īa biang ha la ki dong ki dong. Kane ka long shisha ka kam u nongshongshnong uba da kat u nongshongshnong.

Ha nongkyndong īa ka um dih ngi īoh na ki pung. Dei ban sumar bha īa ki pung um dih khnang ba ki khñiang jingpang kin ym pynsniew īa ki. Ka jingmlien ban pi da la u jong u khiew um ka long ki bym dei namar ki khiew um ki lah ban long ki bym khuid ne bit khñiang jingpang. Dei ban buh da ka jingtong kaba kyrpang. Ka jingmlien ban saītkhiew saītpliāng, saītjaīñ saītnep harud pung um dih ka lah ban bynsniew īa ka um ha pung.

Sa kawei pat. Ka jingpynkhuid tista īa ka īing ki sem, ka phyllaw ka mynshem, ka kpér ka phrah, ka rúd ka kiar ka long ka kamram ba dei eh īa uwei-pa-uwei u nongshongshnong. Búnsien ha kaba pyndep īa kane ka kamram ngim ju pyrkhāt īa la ki paramarjan. Ka jakhlia jakhlaid, ka synrum ka synreh na la īing na la phyllaw ngi khat bad theh ha ki 'liewnúr surok ne lynti shnong. Don lei lei kiba kham khlem akor kiba theh sha kpér kiwei. Kane ruh kam long kaba.

dei bad kam iarap ia ka jingkhuid ka shnong la ha sor ne kyndong.

Ha sor ha kaba ia ki nala um na compound iing la pynháb sha ki nala rúd surok, ha ka jaka ba ki trai iing ne nongshongwai kin lum kin lang ia ki fiut ki fier kiba háb hapoh ki nala, khat ia ki bad leit theh sha sem metor ne 'liewjhep, ki tynruh pynban ia ki bad pynháb sha 'liewnúr rúd surok. Kane ka set ia ki núr bad ka um ka lang lynnong lynnong haduh ban da wan u nongsár surok ban pynkhuid ia ka. Ka mih ka iwkhong iwkhap nangta; ki skaiñ ki boi bad kharoi hangta. Ka bor synshár ba la pynkup bor ban khmih ia ka jingkhuid ki surok bad núr surok kan ym lah ban buh nongsár surok baroh árphew sáw kynta bad lada ki nongshongshnong kim ia trei lang ha kane, ki lynti ki syngkien, ki 'liewnúr 'liewkhap ki dap da ka jakhlia bad mih sa tang ka iwtung iwsma.

Lada iwei-pa-iwei i nongshongling lem bad la ki khun ki kti ki leh ia la ka kamram ha ka rukom ba la khmih lynti ban leh, ki shnongjong ngi kin da la kylla da kawei pat ka dur bad ka jingkoit jingkhiah ha shnong ha tháw kan long da kumwei pat. Ki iing kiba don kpér don phrah, kan da long kaba myntoi ban tih da ka 'liewsbob kaba heh bad jylliew bad thang ia ka synrum synreh baroh hangta. Kaba thang ka pynkhuid bad pyniap ia ki khñiang jingpang kiba lah ban don bad ka ái sbob bad thung jingthung. Ngí dei ruh ban kynmáw ban pom ia ki dieng ki siej bad ki khah ki phlang ne dieng 'tiew-jaiñ kér kpér kiba kah lyer ia la ka iing ne ia ki iing ki paramaran.

